

အပိဏ္ဍပိဏ္ဍါ  
AWIG AWIG

၇၃၈၈၁၀၁၀၁၀၁၀၁၀၁၀၁၀၁

DESA PAKRAMAN DUKUH



၇၃၈၈၁၀၁၀၁၀၁၀၁၀၁၀၁၀၁၀၁

DESA DUKUH, KECAMATAN KUBU

၇၃၈၈၁၀၁၀၁၀၁၀၁၀၁၀၁၀၁၀၁

KABUPATEN KARANGASEM

MURDHA WAKYA

“ Om Swastyastu “

Om awignam Astu Namō sidham

Purwa pangastunkara titiang Krama Dèsa Pakraman Dukuh, ring bukpadan Ida Sanghyang Widhi Wasa sangkan paraning dumadi, Bhatara-Bhatari sanè melingga ring Pura Pusèh Dukuh minakadi Pura kahyangan sami sanè wèntèn sajroning wawèngkon Dèsa pakraman Dukuh, dawning melarapan saking kërta wara nugrahan paduka Bhatara Samudhaya kārnya puniki kasidhan puput.

Kaping kalih hatur angayubagyan titiang Krama Dèsa Pakraman Dukuh, pinghajèng ring ida dane para panglingsir, kèliang, pëmangku, minakadi ida dane sang meraga cèstakara widagdha pradnyan wicaksana sarèng sami, sanè sãmpun sangkaning swèccha lèdang sarèng mapawangun ngripta ugër-ugër marupa awig-awig Dèsa Pakraman Dukuh puniki, pacang kanggèn sèpat siku-siku sajroning dèsa kantos kaungkur wèkas.

Talèr majèng ring Pamerintah Daerah Kabupaten Karangasem, para manggala sanè mastika ngiwang patutang awig-awig, titiang ngaturang pangayu bagya, dwaning sãmpun kasiddhan nurèkṣa, maritètès saha mastika, kantos marupa puput.

Munggwing daging ipun manut Tri Hita Karana, indik kahyangan gènah ngadisthana Ida Sang Hyang Parama Wisèsa indik pawongan pinaka krama dèsa. Indik palèmahan punika wawidhangan wawèngkon dèsa, mebantang antuk lèkita sastra agama, sèsana, paswara, ḍrèṣṭa minakadi sanè sawosan, sanè hanut ring pemargin dharma agama kalih dharma Negara dumadak kasiddhan mamanguhang kajagaddhitan sekāla niskala.

“ Om Śantih, Śantih, Śantih, Om “

**DAGING AWIG-AWIG  
DESA PAKRAMAN DUKUH**

<b>MURDDHA WAKYA.....</b>	<b>i</b>
<b>DAGING AWIG AWIG .....</b>	<b>ii</b>
<b>PRATHAMAS SARGAH : ARAN LAN WAWIDANGAN DESA .....</b>	<b>1</b>
<b>DWITYAS SARGAH : PIKUKUH LAN PATITIS TATUJON.....</b>	<b>1</b>
<b>TRITYAS SARGGAH : SUKERTTA TATA PAKRAMAN.....</b>	<b>2</b>
Palet 1 : Indik Krama .....	2
Palet 2 : Indik Prakanggen Desa .....	8
Palet 3 : Indik Sangkepan miwah Paruman uthawi Pasamuhan .....	12
Palet 4 : Indik Kulkul.....	14
Palet 5 : Padruwen Desa Pakraman Dukuh.....	16
Palet 6 : Laluputan .....	18
Palet 7 : Dadosan Patedunan .....	18
Palet 8 : Indik Bhaya.....	19
Palet 9 : Panyanggran Desa iniwah Banjar .....	20
<b>CATURTAS SARGGAH : SUKRETTA TATA PALEMAHAN.....</b>	<b>21</b>
Palet 1 : Indik Tegal Lan Karang.....	21
Palet 2 : Indik Kakayonan.....	22
Palet 3 : indik Wawangunan .....	25
Palet 4 : Indik Wawalungan.....	27
<b>PANCAMAS SARGGAH : SUKRETTA TATA AGAMA.....</b>	<b>29</b>
Palet 1 : Indik Dewa Yajña .....	29
Kaping 1 : Indik Kahyangan.....	29

*Awig-awig Desa Pakraman Dukuh*

---

Kaping 2	: Indik Pangaci-aci .....	30
Kaping 3	: Indik Pamangku .....	33
Kaping 4	: Indik Sukrettan Pura kahyangan .....	35
Kaping 5	: Indik Cuntaka miwah Sosot .....	37
Palet 2	: Indik Resi Yajña .....	42
Palet 3	: Indik Pitra Yajña .....	43
Palet 4	: Indik Manusa Yajña .....	47
Palet 5	: Indik Bhuta Yajña .....	47
<b>SAT SARGGAH : SUKERTTA TATA PAWONGAN .....</b>		<b>49</b>
Palet 1	: Indik Rangkat .....	49
Palet 2	: Indik Belas Makurenan utawi Napyan .....	51
Palet 3	: Indik Balu .....	52
Palet 4	: Indik Santana .....	53
Palet 5	: Indik Warisan .....	53
<b>SAPTAMAS SARGGAH : WICARA LAN PAMIDANDHA .....</b>		<b>54</b>
Palet 1	: Indik Wicara .....	54
Palet 2	: Indik Pamindandha .....	55
<b>ASTAMAS SARGGAH : NGUWAH – NGUWAHIN AWIG-AWIG .....</b>		<b>56</b>
<b>NAWAMAS SARGGAH : PAMUPUT .....</b>		<b>57</b>

အပိတူပိတူ

AWIG AWIG

၇၃၈၂၂၂၂၂၂၂၂၂၂၂၂

DESA PAKRAMAN DUKUH

**PRĀTAMAS SARGAH  
HARAN LAN WAWIDANGAN DÈŚA**

**Paos : 1**

- (1) Dèśa puniki mawāṣṭa **Dèśa Pakraman Dukuh**; salantur ipun kinucap kalih kasurātang sajroning lėkita “**Dèśa Pakraman Dukuh**”
- (2) Wawėngkon prabhumiyan Dèśa Pakraman Dukuh, mawanėng <sup>7</sup>ñatūr-dėśa, mĀnūt sakadi kinucap ring sor puniki :
  - ha. Tėpisiring wėtan : Tukad Watėś;
  - na. Tėpisiring kidul : Margi Majapahit, miwah segara;
  - ca. Tėpisiring kulon : Tukad Sapta, rauh kesegara minakadi bendungan;
  - ra. Tėpisiring lor : Panėpin alas druwėn sang Amawerāt
- (3) Sajroning wawėngkon Dėśa Pakraman Dukuh, wėntėn babañjaran, sowang-sowang mawāṣṭa ;
  - ha. Bañjar Pakraman Dukuh
  - na. Bañjar Pakraman Candigėha
  - ca. Bañjar Pakraman Buana Kusuma
  - ra. Bañjar Pakraman Batu Giling
  - ka. Bañjar Pakraman Bahėl
  - da. Bañjar Pakraman Pandan Sari

**DWITYAS SARGAH  
PIKUKUH LAN PATITIS TATUJON**

**Paos : 2**

Maka pikukuh, Dèsa Pakraman Dukuh, ngarajėgang, mikukuhin, kalih mitindihin pisan :

1. Pañcasila, pinaka Dasar Negara Republik Indonésia;
2. Undang-Undang Dasar 1945;
3. Trihita Karaña.

**Paos: 3**

Dèsa Pakraman Dukuh ngamanggėhang patitis tatujon, lwir ipun :

1. Ngutamayang tata-cara maagama Hindu.
2. Ngawangunang katrėptyan sajroning dèsa pakraman, mangda kasiddhan rajėg katrėptyaning praja.
3. Ngawrėddhiyang kawicakşanan minakadi kaprajñanan, maka larapan gumawè gėmuh landuhing praja.
4. Ngawrėddhiyang padrėwya ning dèsa, majalaran kawicakşanan guņa lakşana mănūt dharmma-prawrėtti.
5. Ngarajėgang Dharmma-agama miwah Dharmma-nagara.

**TRITYAS SARGAH  
SUKRETTA TATA - PAKRAMAN**

**Palėt: 1**

**Indik Krama**

**Paos: 4**

**(1) Sanė kasinanggih krama dèsa :**

- ha. Sang sapaſira ugi jĕnĕk magĕnah ring wawĕngkon Dĕsa Pakraman Dukuh, lintang ring tigang ſaſih (105 rahina), rajĕg maagama Hindu;
- na. Sang sapaſira ugi wĕd saking Dĕsa Pakraman Dukuh , jĕnĕk magĕnah ring dĕra dĕsa liwaring Dĕsa Pakraman Dukuh, nānghing kantun mipil ring bañjar sinalih tunggil sanĕ wĕntĕn sajroning Dĕsa Pakraman Dukuh.

(2) Papalihan pakraman, kadi inucap ring sor puniki :

ha. Krama marĕp murwa, inggih punika krama dĕsa patĕgak, pitung dasa kalih diri, sanĕ madruwĕ hĕmpon ring kahyangan dĕsa lwirĕ Pura Puſĕh, (Pura Segara, Pura Panti, pura tĕgal Suci, Pura) Pemelangan, Pura Grya, mejalaran antuk ngamong ngĕlingang tanah ayah Dĕsa manut dṛṣṭa minakadi paſwara, saha madruwĕ prajuru.

na. Krama Marĕp Mawĕd, inggih punika krama dĕsa sanĕ mawĕd sĕmpun bulangkĕp, mipil ring sinalih tunggil bañjar sanĕ wĕntĕn sajĕroning dĕsa pakraman Dukuh mapaayah, matatĕ turun cumĕk, manut pidabdab krama ngarĕp mawĕd.

ca. Krama ngarĕp sesabu, inggih punika krama dĕsa sanĕ bulangkĕp, sanĕ mawit saking dura dĕsa liwaring dĕsa Dukuh sanĕ sĕmpun mipil ring bañjar pakraman sinalih tunggal sanĕ wĕntĕn sajroning Dĕsa Dukuh, mapaayah, matatĕ turun cumĕk manut pidabdab krama marĕp mawĕd.

ra. Krama Nyada, krama dĕsa sanĕ sĕmpun tan kĕni ayahan lwirĕ :

- 1) Saking pinunas ngaraga tur sĕmpun polih lugraha manut panglokikan prajuru dĕsa, kalih pamutus pararĕm dĕsa;
- 2) Mabukti sungkan rahat tur suwĕ, kantos tibanan, sungkan tan siddha waras, tan siddha maayahan manut pangĕlokikan prajuru dĕsa;
- 3) Sĕmpun mayusa 60 warsa manut pangĕlokikan prajuru dĕsa;
- 4) Sangkaning kasundul antuk okanĕ lanang sanĕ pinih pungkur merabiyān;



- ka. Krama balu, krama dèsa lanang wiyadin istri, sanè katinggal sèda antuk rabine, lanang sanè kakawonin nyapihan antuk rabinya, wèntèn balu camput, wèntèn balu maséntana
- da. Krama ring dura-dèsa, inggih punika krama dèsa sanè bulangkèp mawèd saking dèsa Pakraman Dukuh, jènèk magènah ring dura dèsa liwaring dèsa pakraman Dukuh, nanging manggèh mipil ring bañjar sinalih tunggal sanè wèntèn sajèroning dèsa pakraman Dukuh, sanè mula pagènahanyana nguni.
- ta. Krama Tamiyu, inggih punika krama sanè kinucap ring sor puniki :
- 1) Sang sapa sira hugi saking dura dèsa liwaring dèsa pakraman Dukuh, jènèk magènah, madadunung ring pomahaning krama dèsa, magènah ring pomahaning druwèn Guru Wisèsà, Hotel miwah salwir ipun, sasāmpun tigang sasih uthawi 105 dina, nanging kari manggèh makrama dèsa ring kamulan dèsanya, kabuktiyang antuk surāt sasinahan saking këlyang dèsanya;
  - 2) Sang sapa sire hugi wèd saking liwaring dèsa pakraman Dukuh, makakubon ngènahin palēmahan tégala, palasan ring wawangkon Dèsa Pakraman Dukuh, nanging kari manggèh makrama dèsa ring kamulan dèsanya, kabuktiyang antuk surāt sasinahan saking këlyang dèsanya;
- sa. Krama keluasan inggih punika krama dèsa sanè sāmpun turun temurun magènah ring dèsa pecak mawèd saking dèsa Pakraman Dukuh sangkaning palugrahan prajuru dèsa;
- wa. Krama ngèngirang, inggih punika truṇa wiadin dèha tua sanè sāmpun tan kari dados sèkaa truṇa.
- la. Tamiyu, inggih punika sang sapa sira hugi jènèk magènah ring wawangkon dèsa pakraman Dukuh yan tan meagama Hindu.
- ma. Tamiyu Ngajag, inggih punika sang sapa sira hugi rawuh kajroning dèsa pakraman Dukuh, nanging tan nèkèh magènah irika, sang

karauhin tamiyu patut matur supekša ring prajuru dèsa, kalih ring sang amawarāt, sajroning harahina ring awengi, yan tan asapunika, prajuru dèsa wèngang maritetes, yan macihna wèntèn mamurug awig-awig paswara miwah pamutus pararēm dèsa, sang nerima tamyu kēni dandha manut pararēm dèsa, tamyu hinucap katur ring sang amawarāt.

**Paos: 5**

Ngawit tēdun makrama dèsa ring Dèsa Pakraman Dukuh :

- (1) Krama dèsa Ngarēp Murwa, krama ngarēp mawēd, kalih jēnēk ring wawengkon dèsa Pakraman Dukuh, mipil ring bañjar sinalih tunggal sanè wèntèn sajèroning dèsa Pakraman Dukuh, malarapan antuk tateragan bañjar, sāmipun bulangkēp, sangkaning nyundul, yan sāmipun hantēs maayahan,
- (2) Krama Ngarēp sesabu, mipil ring sinalih tunggal bañjar pakraman sanè wèntèn sajèroning dèsa Pakraman Dukuh, malarapan tateragan bañjar, sesāmipun lintang ring tigang sasih uthawi 105 dina;
- (3) Krama dèsa wēd saking dèsa Pakraman Dukuh, matinggal kadura dèsa, wastu malih mawali ka Dèsa Pakraman Dukuh :
  - ha. Yan sangkaning rahayu patinggalè nguni, wèngang mipil ring bañjar papatusan sinalih tunggal sanè wèntèn ring Dèsa Pakraman Dukuh, nganutin sukrētan bañjar punika;
  - na. Yan sangkaning tan rahayu patinggalè ngūni, yogya Kliyang bañjar sanè katuju ngatēngahang ka dèsa, mangda kabawosan antuk prakanggèn dèsa. Yan katinutin tatēpasan prakanggèn dèsa punika, tur kacihnayang antuk maguru piduka ring Pura Pusēh Pakraman Dukuh, prasiddha kalugra mawali pinaka krama Dèsa Pakraman Dukuh.

**Paos: 6**

- (1) Kabawos husan makrama dèsa ring Dèsa Pakraman Dukuh, malarapan antuk
  - ha. Sèda;
  - na. Sangkaning mapinunas ngaraga, ri sām̄pun polih lugraha, saha pulih palugrahan prajuru dèsa ring paruman dèsa;
  - ca. Tèdah uthawi tilar saking Agama Hindu;
  - ra. Kasēpèkang uthawi kahēladang antuk Dèsa, sangkaning satata mamurug awig-awig, paswara, kalih pararēm dèsa.
- (2) Sang husan makrama dèsa tan polih babagian druwèn dèsa.

**Paos: 7**

Swadharmma ning krama dèsa :

- (1) Krama Ngarēp murwa kēni ayahan saurah arih, ngèlingang, ngēwangun, midabdabin, ngupapira salwiring wawangunan sanè wèntěn sajroning kahyangan dèsa lwirè; pura pusēh, pura segara, pura panti, pura tēgal suci, pura griya, miwah pura pamelangan, saha pangaci-acinya, manut kruna dṛṣṭa, kahunadika antuk prajuru dèsa;
- (2) Krama ngarēp mawēd, kalih krama Ngarēp sasabu kēni ayahan miwah urunan manut paswaran dèsa;
- (3) Krama dèsa ring dura dèsa kēni tata turun cuměk pateh sakadi tataturun krama ngarēp mawēd miwah krama mawēd sasabu, ritatkālaning dèsa mapawangun, nganyum wēwangunan sanè kadruwè antuk dèsa, patut nawur prabeya wewangunan gung artha manut pamutus pararēm dèsa kāla punika, prabeya wawangunan punika patut katawur ritatkāla sangkēpan sahusan pangaci-aci ring gēnahe patut nawur paturunan;

- (4) Krama Nyada dados kaarahang pacang tedun ka dèsa yan buat pacang mapapineh, mababawos, ngewangun pangerencana salwirè sanè kabuatang antuk prajuru dèsa;
- (5) Krama Balu kēni paayah-ayah manut kawonganya, kēni tataturun asigar;
- (6) Krama Balu lanang sanè madruwè oka istri, balu istri sanè madruwè oka lanang sāmipun hantēs maayahan manut panglokikan prajuru dèsa patut maayahan bulangkĕp, matataturun cumĕk bulangkĕp antuk pianak;
- (7) Tamyu tan sareng sepalikramaning Agama Hindu sajroning dèsa Pakraman Dukuh, paswara miwah pamutus pararĕm dèsa sanè ngindikang tata pawongan kalih palĕmahan;
- (8) Krama dèsa samiyan yogya saturut ring daging awig-awig dèsa Pakraman Dukuh, paswara miwah pamutus pararĕm dèsa, ngutsahayang mangda kasiddhan mapikolih sakadi patitis tatujon dēsane kinucap ring hayun, tumus mamangguhang kajagaddhitaning praja.
- (9) Sang Sapa sira hugi sanè pacang ngadol, ngantahan, maselangan, majegang, masewayang, makedihang palĕmahan tĕgal, palasan miwah sapanunggilan ipun sanè magĕnah sajroning wawidangan dèsa Pakraman Dukuh, hugi mangda polih palugrhan saking prajuru dèsa, yan tan polih palugrhan yogya indike punika kaandegang;
- (10) Sang sapa sire hugi magĕnah ring wawidangan dèsa Pakraman Dukuh, tan makrama dèsa, tan kalugra ngalakṣanayang upacara yadnya ring wawidangan dèsa Pakraman Dukuh, tan kalugra nganggèn salwiring druwèn dèsa;
- (11) Swadharma sang tan maagama Hindu kaunguhang sajroning paswaran dèsa.

Paos: 8

Phalapèkṣaning krama dèśa :

- (1) Krama dèśa samiyan yogya polih pasayuban wiyadin pangōban saking dèśa, salwiring wyawaharanya yogya kabawosan antuk prajuru dèśa, manut tata titining wicara;
- (2) Krama dèśa samiyan sanè maagama Hindu sajaba tamyu minakadi tamyu ngajag wēnang ngalakṣanayang pañca yadnya sajroning dèśa Pakraman Dukuh, manut dèśa, kāla, patra, sastra agamā, miwah nganutin sitan dèśa hinucap;
- (3) Krama dèśa Ngarēp murwa, krama dèśa Ngarēp mawēd, krama dèśa Ngarēp sasabu wēnang polih babagian layuban aci-aci salwiripun twas-twasan, miwah sawosan sanè patut katiba ring krama dèśa punika;
- (4) Mapawangkid mapiteges nunas kaluputin ayah-ayah, ritatkāla sungkan minakadi cuntaka;
- (5) Sanè dados nyuksukin/<sup>Gandēnya</sup> ayahan sang tan tedun maayahan yogya saking pangalokikan kalih palugrahan prajuru dèśa;

Palēt: 2

Indik Prajuru Dèśa Pakraman Dukuh C

Paos: 9

- (1) Dèśa Pakraman Dukuh kahēmong antuk Prajuru Dèśa,
- (2) Prajuru Dèśa Pakraman Iwirè :  
ha. Bandhèsa / Keliyang Dèśa Pakraman;  
na. Pamadhèn/<sup>wakil</sup>Bandhèsa/Keliyang Dèśa, dados lintangan ring adiri;

Ca. Panyarikan Dèsa, dados lintanagn ring adiri;

Ra. Sèdahan Juru Rakṣa, dados lintanagn ring adiri;

Ka. Petangan dèsa lwirè : këlyang-kèling bañjar pakraman sajroning dèsa pakraman Dukuh, minakadi prajuru panghëmpon;

(3) Prajuru dèsa katah ipun mangda gasal;

### Paos: 10

(1) Sanè wènanng kahadëgang wiyadin kamanggëhang dados prajurun Dèsa Pakraman Dukuh luwiré :

ha. Krama dèsa Ngarëp murwa, krama dèsa Ngarëp mawëd sanè jënëk magënah, makrama dèsa, matata turun cumëk, maayahan saurah-arih ring dèsa Pakraman Dukuh;

na. Tan cèdāngga; sakadi pécéng, pérot, cungh lan sapanunggilan ipun sanè katandangin kabakta saking wahu embas;

ca. Wikan mamawos kalih ñurāt akṣara Bali uthawi Latin.

ra. Mabukti tan nahën malakṣaṇa corah.

(2) Pidabdab ngadëgang Prajurun Dèsa :

ha. Paruman dèsa sanè katedunin antuk krama ngarëp murwa, prajuru dèsa miwah këlyang-këlyang bañjar pakraman ngawèntënanng saseliran, pangawit paruman dèsa matujuang sang pacang kahadëgang pinaka këlyang dèsa Pakraman, yan kantos lintangan ring adiri sanè katuju antuk paruman dèsa, yogya pinilihan, sanè akèhan yogya turut;

na. Mungging ngadëgang pamadèn këliyang, pañarikan, sèdahan uthawi juru rākṣa, kalih patangan uthawi pangliman, saking pañudin këliyang dèsa sanè kabriyukin antuk paruman dèsa, talër sanè akèhan wènanng turut.

- ca. Sang sapa sira hugi kahadëgang dados këlyang bañjar pakraman ring bañjarnya swang-swang minakadi sang sapa sira kahadëgang dados prajuru panghëmpon kasinanggeh patangan dësä;
- ra. Mungging ngadëgang këlyang-këlyang bañjar minakadi prajuru panghëmpon kälakṣanayang ring swang-swang bañjar minakadi ring krama panghëmpon;
- (3) Lamine ngadëg dados/ <sup>keliar</sup> prajuru dësä limang warsa ngawit saking dina pewintëne sejoba kapadgatakālan minakadi sangkaning wëntën wyawahara;
- (4) Yan sang sãmpun nahën madëg pinaka prajuru dësä wënanng kasudi malih
- (5) Prajuru dësä patut mawintën, ring pura pusëh dësä Pakraman dukuh, mungging dewasa manut pamutus pararëm dësä rikāla ngadëgang prajuru dësä hinucap.
- (6) Prajuru dësä Pakraman uttamannyanè këliang dësä pakraman, risãmpun kahadëgang ping kalih, nëntën dados kasudi malih.
- (7) Sanè dados kahadëgang prajuru dësä uttamannyanè këliang dësä pakraman, yëning sãmpun nahën kahadëgang prajuru sakirang ipun limang warṣa.

### Paos: 11

#### Swadharmma ning Prajurun Dësä :

- (1) Midabdabin dësä, krama dësä, sajroning ngupadi kajagaddhitan sakāla niskāla, maka darsana Awig-awig dësä, paswaran dësä, pamutus pararëm dësä, nganutin sastra agama Hindu minakadi uger-uger Negara;
- (2) Ngarancana salwiring utsahan dësä kaungkur ; ngarancana salwiring sanè nyandang pacang wangunang, sanè patut hayum, manut lokika dësä kāla patra, sanè mabuat, mangda kasiddhan polih palugrahan guru wišësä;
- (3) Mawosin salwiring wyawahara uthawi wicara, sanè wëtu sajroning dësä Pakraman Dukuh niwakang tatimbang, uthawi pamutus babwos sanè yogya

pamangku dèsa, minakadi sanè sawosan sanè wèntèn sajroning wawangkon dèsa Pakraman Dukuh;

- (5) Midabdabin pamarggin salwiring haci-aci ring Dèsa Pakraman Dukuh, talěr nulingayang krama dèsa indikè ngalakṣanayang Pañca-yajña.
- (6) Prakanggèn dèsa wènanḡ ñanggra salwiring pituduh, minakadi sarāja kāryya saking guru wiśèṣa, wěrāt uthawi ringan, sanè yogya katiwak ring dèsa pakraman.
- (7) Pinaka duta pacang matemuwang babawos ring sang sapisira hugi, yan paindikan punika kapineh uthawi kapikayun nyandang pacang marginin
- (8) Wènanḡ ngawangunang, ngamanggèhang, minakadi ngentosin langlang dèsa, sanè kewastanin Pecalang, minakadi prajuru dèsa sawosan sanè kabuatang antuk dèsa
- (9) Wènanḡ ngawangunang sèkaa-sèkaa sawosan, sanè pacang ngarombo swadharman prajuru dèsa sanè kabuatang.

Paos : 12

Phalapekṣaning Prajuru Dèsa :

- (1) Luput raramon papeson daging paaci-aci;
- (2) Polih tanding tengah;
- (3) Wènanḡ polih bebagian pasolasan saking artha bhrana piilih-olih guna kayan dèsa sanè ngaranjingka dèsa pakraman Dukuh saking rahayu manut pamutus pararēm;



tedun sajroning pasangkep, minakadi sang sapa sira hugi sanè kabuatang antuk dèsa sanè kawèntèng sasor ipun ngamasan apisa.

**Paos : 15**

Tata kramaning sangkep, paruman uthawi pasamuhan:

- (1) Sayā patut makta pasayaan, tēgēp ètèh-ètèh pasayaan salwir ipun, minakadi haturan canang panaracak, saha pasēgēh manut dṛṣṭa kuna.
- (2) Yan kapatut pacang nganggèn babantèn sakabwatan, Prajuru dèsa yogya mituduhang mangda cumawis, saha nyukserahang pedagingan ring sang kapituduh makāryya bantèn ika.
- (3) Maka manggalaning mabebawosan sajroning sangkep, paruman uthawi pasamuhan dèsa manggēh kēlyang dèsa, wiadin salah sinunggil prajuru dèsa saking palugrahan kēlyang dèsa.
- (4) Saya wèngang nepek tengeran sapisan sadurung ngawitin sangkep, haturan punika kaantebang, mabriuk muspa sareng sami, ngraris mabawosan kantos puput.
- (5) Babawosan sajroning sangkep wiyadin paruman, pasamuhan dèsa, ugi ngupadi karahayon jagat, minakadi ngarajēgang kamuruban Sang Hyang Widhi, majalaran bhawa laksna manut catur dṛṣṭa, lwir ipun ; sastra dṛṣṭa, kuna dṛṣṭa, dèsa dṛṣṭa, miwah loka dṛṣṭa.
- (6) Yan wèntèn sinalih tunggil ngatēngahang babawos jroning paruman minakadi pasamuhan, yogya kadamyakang. Yan ñandang bawosin, yogya rinawosan. Yan tan ñandang bawosin, antukang ring sang ngamimitin.
- (7) Tan kalugra nguman-uman, wak caphala minakadi salwiring prātingkah sanè ngawining biota sajroning sangkep uthawi paruman minakadi pasamuhan, yan wèntèn mamurug kēni pamidandha manut pamutus pararēm dèsa.

- (8) Sanè kinucap pamutus babawos wiyadin paswara jroning sangkěpan, paruman minakadi pasamuhan, yan briyuk sapanggul hanut sang ñangkěpin. Yan tan sapunika, asing akėhan wėnang turut manut lokika. Pamutus babawos yogya kalėkitayang, kėlakşanayang manut hanggėran ipun.
- (9) Yan tan puput babawose sajroning sangkěpan kantos ping tiga sangkěpan, patut katengahang sajroning pasamuhan, pamutus babawos sajroning pasamuhan pinaka pamutus pamekas.
- (10) Sangkěpan paruman punika kabawos sėmpun puput, yan sėmpun kėlyang dėsa mitegesang daging-daging sanè sėmpun kacumpuhin ring krama dėsa, saha sasėmpun nimbalang urak pagiliñ saya minakadi sėmpun mabacak.
- (11) Ritakėla macak pamuput sangkěpan uthawi paruman minakadi pasamuhan, krama tan dados matangi sadurung puput macak sareng sami, yan wėntėn mamurug kėni dandha patėh sekadi krama sanè nenten nyarengin sangkěpan uthawi paruman minakadi pasamuhan.

**Palėt : 4**

**Indik Kulkul**

**Paos: 16**

- (1) Sajroning wawėngkon Dėsa Pakraman Dukuh, wėntėn babacakan kulkul, kadi ring sor puniki :
  - ha. Kulkul dėsa minakadi kulkul pura
  - na. Kulkul Bañjar.
  - ca. Kulkul sėkaa-sėkaa.

- (2) Mungging swaran kulkul punika mangda mabhina-bhinayan sawiji sowang, manut sor singgih. Yan wèntèn swaran kulkul patèh, karun wiyadin sawēr, mangda kapaṣṭika salah sawiji, antuk sang madruwé.
- (3) Nèpèk kulkul manut Tri Brāta Sandi : dharmma, śima, lakṣaṇa. Tègèsipun :
- ha. dharmma : swaran kulkul maka cihna wiyadin tatèngèr upacara agama wiyadin yajña.
- na. śima : swaran kulkul maka cihna wiyadin tatèngèr pañca bhaya.
- ca. lakṣaṇa : swaran kulkul maka cihna wiyadin tatèngèr patèdhunan.
- (4) Indik tatèpèkan kulkul manut pasobhaya minakadi kuna drēṣṭa, paswara.
- (5) Unggwan nèpèk kulkul :
- ha. Yan nèpèk kulkul tatèngèr patèdhunan, hugi kulkul sanè kadruwé antuk sèkaa, krama, sanè pacang tédhun, katèpèk antuk sang patut ngulkulang.
- na. Yan nèpèk kulkul tatèngèr pañca bhaya, wèngang saunggwan-unggwan, asing nampèk gènahè. Wèngang katèpèk antuk sang rihinan manggihin bhaya punika, minakadi saking patiduh sang ngawiwèngang.
- ca. Yan nèpèk kulkul tatèngèr upacara agama, dèwa yajña, bhuta yajña, mānuṣa yajña, pitra yajña, wèngang kulkul sanè wèntèn ring swang-swang gènah upacaranè. Yan nēlang kulkul sawosan patut wèntèn palugrahan sang ngawiwèngang.
- ra. Yan kālaning ngalungayang bhaṭāra, mēndak bhaṭāra, Bhaṭāra turun kabèh, kālaning pacaruwan dèsa lwirè mañca-śatha, mañca sānak, tabuh gèntuh ring Dèsa Pakraman Dukuh, sami kulkulè dados swarayang, tatèpèkan manut krama.
- ka. Yan wèntèn sinalih tunggil mamurug, nèpèk kulkul tan manut krama, yogya kabawosan antuk prakanggèn dèsa, katiwakan panglokika, saha

pamidaṅdha manut paswara.

**Palēt : 5**

**Padruwèyan Dèsa Pakraman Dukuh**

**Paos : 17**

Sanè kadruwè antuk Dèsa Pakraman Dukuh, luwiré :

- (1) Pura Kahyangan Tiga, miwah kahyangan-kahyangan :
  - ha. Pura Pusèh Pakraman
  - na. Pura Dèsa uthawi Pura balè Agung.
  - ca. Pura Dalēm miwah Prajapati.
- (2) Pura Kahyangan Dèsa Iwiré :
  - ha. Pura Těgal Suci
  - na. Pura Panti
  - ca. Pura Bañjar
  - ra. Pura Pamekang Agung
  - ka. Pura Pamèlangan Kangin
  - da. Pura Pamèlangan kauh
  - ta. Pura Segara
- (3) Tanah těgalan druwèn dèsa kirang langkung 102 Ha manut bacakan ring buku tanah druwèn dèsa sanè kagaměl, kahèlingang, kapuponin antuk krama dèsa Ngarěp murwa, awanan patut maayahan ring dèsa manut swadharma krama ngarěp murwa.
- (4) Tanah pelaba Pura Segara sawetara 20 Ha manut lėkitan tanah punika.
- (5) Tanah-tanah druwèn dèsa sanè kaanggèn karang pomahan, sawatara kalih tengah hektar.
- (6) Sètra linggah ipun kirang langkung 3,00 Ha hēmponan swang-swang manut dṛṣṭa minakadi sètra pangilang-ilang.

- (7) Lelanguan, minakadi tetabuhan lan ilèn-ilèn padruwèn dèsa Iwirè ;
  - ha. Gong abarung
  - na. Balaganjur Abarung
  - ca. Ilèn-ilèn pura minakadi sasolahan pèndèt, lègong miwah rějang Dèwa
  - ra. Lėkita-lėkita Iwirè ; Lėkitan Tanah, pipil krama, awig-awig, paswaran dèsa miwah pamutus pararėm dèsa.
- (8) Palėmahan sanè kaanggèn margi, rurung, lan sapanunggalan ipun.
- (9) Lėmbaga Perkreditan Dèsa.
- (10) Pasantian.

**Paos : 18**

Piolihi-olihi Dèsa Pakraman Dukuh ;

- (1) Piolihi-olihi saking palaba pura minakadi tanah druwèn dèsa.
- (2) Aturan-aturan, dana punia.
- (3) Urunan, panahub, pakėnin-kėnin pakāryyan krama dèsa.
- (4) Piolihi-olihi saking Lembaga Perkreditan Dèsa.
- (5) Piolihi-olihi saking usaha, guna kāryyan krama dèsa, minakadi sawosan saking patut rahayu.
- (6) Pakėnin-kėnin tanah sanè wèntėn sajroning dèsa Pakraman Dukuh sanè kadruwè antuk anak saking liwaring dèsa Pakraman Dukuh, gung artha manut paswaran dèsa.

Palèt 6

Indik Laluputan

Paos : 19

- (1) Luput mapiteges nenten këni wawijilan raramon miwah daging pangaci-aci.
- (2) Krama Dèsa Pakraman Dukuh sanè luput piturunan luwiré:
  - ha. Prakanggèn Dèsa Pakraman Dukuh
  - na. Pamangku Dèsa.
  - ca. Sang sapisira hugi sanè kapinèh patut nyandang polih laluputan, manut paswaran dèsa.

Palèt 7

Indik Dadoşan Patědhunan

Paos : 20

Dadoşan salwiring patědunan, sangkěpan, tědun makaryya miwah sanè sawosan, nganutang sukrěta sowang-sowang, lwiré :

- (1) Yan prajuru dèsa madruwè patědunanè, yogya nganggèn sukrětan dèsa, sanè kagadhuh antuk prajuru dèsa. Dadoşan ngarañjing ka dèsa.
- (2) Yan babañjaran madruwè patědunanè, yogya nganggè ugěr sukrětan bañjar sowang-sowang sanè sāmpun kagadhuh. Dadoşanè ngarañjing ka bañjar sowang-sowang sanè sāmpun kagadhuh antuk Bañjar.
- (3) Yan krama dèsa ngarěp murwa madruwè patedunane yogya ngangge gagadhuhan paswaran dèsa sanè kagaduh antuk krama dèsa ngarěp murwa.
- (4) Yan subak madruwè patědunanè, yogya nganggèn ugěr sukrětan subak sanè sāmpun kagadhuh antuk subak sowang-sowang. Dadoşanè ngarañjing ka **Subak.**

- (5) Yan sĕkaa-sĕkaa madruwĕ patĕdunanĕ, yogya nganggĕ ugĕr sĕkaa sowang-sowang. Dadosanĕ ngarañjing ka sĕkaa.
- (6) Dadosan ring dĕsa patut kataur satunggil pasangķĕpan dĕsa rikāla dina Anggara Kasih selantur ipun.
- (7) Yan wĕntĕn krama sinalih tunggal tan tinut ring tatepasan miwah dadosan punika, wĕnang babawose katengahang ka dĕsa, prajuru dĕsa yogya mamwosin.
- (8) Agung alit dadosanĕ, sanĕ katerapang ring wawidangan dĕsa Dukuh Iwirĕ ; ring krama dĕsa, ring bañjar-bañjar, ring krama dĕsa ngarĕp murwa, ring subak-subak, minakadi sĕkaa-sĕkaa sawosan, mungguh sajroning paswaranya sowang-sowang, saha maceciren palugrahan dĕsa Pakraman Dukuh.

### **Palĕt 8**

### **Indik Bhaya**

### **Paos : 21**

- (1) Sanĕ kinucap Pañca-bhaya, Iwir ipun :- Jiwa bhaya.- Aghni bhaya.- Toya bhaya.- Artha bhaya.- Bayu bhaya.
- (2) Salwiring bhaya wĕnang gĕgĕrang antuk swaran kulkul.
- (3) Sang sapisira hugi krama Dĕsa sanĕ manggihin, wyadin huning ring panangkaning bhaya, ring kang katibĕn bhaya, wĕnang ngĕgĕrang nĕpĕk kulkul manut indik kakulkulan bhaya, raris damyakang ring wādĕsa.
- (4) Rikāla wĕntĕn swaran kulkul bulus tatĕngĕr bhaya, krama Dĕsa patut yatna, sayaga, saha srĕgĕp ngamong prabot wiyadin gagawan sowang-sowang.
- (5) Yan sām̄pun tatas ring bhaya punika, krama Dĕsa patut matatulung

nambakin, wiyadin ngamēsēhin bhaya punika, manut hunggwan, kalih manut patuduh sang yogya ngawiwēnangang.

- (6) Sang sapasira hugi tan kawasa majajabur ri kāla ning Dèsa, krama Dèsa katibèn bhaya. Yan wèntèn sinalihtunggal kacirènan mamurug, yogya katēngahang ka Dèsa, wiyadin katur ring sang amawa bhumi, mangda kabawosin antuk prajuru dèsa.
- (7) Yan pinganan bhaya punika sāmipun kapinēh nahnah, tan pacang ñangkalèn wēnang kacihnayang antuk swaran kulkul lambat atuludan, wiyadin pasiar saking sang ngawiwēnangang.

### **Palèt 9**

#### **Panyanggran Dèsa miwah Banjar**

**Paos : 22**

- (1) Saraja kāryyan bañjar kasanggra antuk krama bañjar sowang-sowang kahunadikayang antuk kēlyang bañjar.
- (2) Saraja Kāryyan dèsa kasanggra antuk krama dèsa sowang-sowang kahunadikayang antuk prajuru dèsa.



CATHURTAS SARGAH  
SUKRĚTA TATA PALĚMAHAN

Palět 1

Indik Tĕgal, Bangkět lan Karang

Paos : 23

Palěmahan Dĕsa Pakraman Dukuh, mahugĕr antuk Tri-maᅇdhala, lwirĕ :

- (1) Uthama-maᅇdhala : palěmahan sanĕ kaanggĕn karang pura, wiyadin paryangan. Madhya maᅇdhala; palěmahan sanĕ kaanggĕn karang pomahan, gĕnah wawangunan, sakadi : baᅇjar, sĕkolah, kantor, rumah sakit, miwah sanĕ sawosan. Niᅇta-maᅇdhala : palěmahan sanĕ kaanggĕn sĕtra, marggi, rurung, tlabah, papunduk, tulak tanggul, miwah sanĕ sawosan.
- (2) Sahanan palěmahan sanĕ wĕntĕn ring wawĕngkon Dĕsa Pakraman Dukuh yogya mangda madruwĕ babalĕdan wiyadin watĕs sanĕ pasti.
- (3) Sahanan palěmahan punika, hugi mangda madruwĕ margi, rurung, papunduk sanĕ dados hĕntasin.
- (4) Yan wĕntĕn pakarangan Pura, pomahan, tĕgal, carik, miwah palěmahan sawosan kabĕbĕng tan madruwĕ margi, rurung, miwah papunduk, sang madruwĕ patut ngatĕngahang babawosĕ ka Dĕsa. Prakanggĕn Dĕsa yogya nĕgdĕg, ngutsahayang mangda polih margi malarapan sami suka. Yan patut matumbas, manut pangargan tanah sanĕ kamanggĕhang antuk sang mawarĕt. Sami katahur antuk sang mamuwatang.
- (5) Yan dĕsa pacang ngalinggahang margi, rurung, minakadi makĕryya margi, rurung dĕsa, saking sĕmpun ingkup paswaran Dĕsa, yan nganggĕn tĕgal, carik miwah palěmahan sawosan, wĕnang tan nahur pangargan tanah punika. Nanging yan madaging tatanduran, papayon, wawangunan salwirĕ,

Dèsa patut ngicèn prabèya agung alit manut parëmbug Dèsa.

- (6) Sahananing karang pomahan hugi mangda masëngkër. Pidabdab ñëngkër, magalëng ka dulu. Pañëngkër sanè sisi kangin miwah kalèr, patut kakaryyanin antuk sang ngënahin karang punika. Sajaba karang ngèlè, wiyadin lingkëhin rurung, palëmahan suwung.
- (7) Sang sapisira hugi ngënahin karang tęgëhan, patut naku, tęgèhè asukat natah dangsah. Sanè tēbènan, wënanng ñusunin tēmbok.
- (8) Tělajakan karang patut kapiara antuk sang ngënahin karang punika sowang-sowang, mangda mapikënoh tur hasri.
- (9) Yan wëntën sinalih tunggal ñadya ñalëksëk wiyadin ngalëklëk babalëdan salwiring babalëdan wiyadin wawatësan, lwirè : babalëdan wiyadin watës pura, karang pomahan, carik, tęgäl, sètra, tlabah, jlingjing, margi, rurung, papunduk, miwah sanè sawosan, yogya katiwakan dañdha manut wrāt ringan kahiwigangane yogya katiwakan dandha manut werāt ringan kahiwigangane, saha ngantukang, mahayu sanè kaslëksëk wiyadin kalëklëk, kalih mrayascita sakabwatan, sané nyandang katiban panyangaskara. Indik negde wawtesan uthawi bebalëdan manut dṛṣṭa kuna.
- (10) Yan hana sinalih tunggil ngalëtëhin, ngarucakin, ngarobëdin, ngararabin, palëmahan liwaring pomahan padruwèyan ñanè, lwirè : ngutang luhu, bangkaan, miwah salwiripun, ñorongang babañon sajaba toyan sabèh, yogya katiwakan dañdha gung artha manut paswaran, tur mahayu sanè kalëtëhan, karucakan, karobëdan, raraban inucap ring hajëng saha mrayascita sanè nyandang këni panyangaskara.

## **Palèt 2**

### **Indik Kakayonan**

- (1) Indik nandur kakayonan tanĕm tuwuh lwirĕ ; Kelapa, lontar, tiying, salwirĕ taru sanĕ wit ipun dados ageng adepe agung ngajĕroang saking wates, pradĕ jantos ngaliwat wates carang ipun wĕnang kasapat gantungin uthawi rancapin.
- (2) Tan kalugra nĕbtĕb, ngrĕbah, wit-witan salwir ipun, ring pĕlasan, patĕgalan, habing, tangkid, miwah gĕnahĕ sawosan, sanĕ kakĕkĕr antuk dĕsa. Yan wĕntĕn sinalih tunggal mamurug, katiwakan dandha manut lokika manut paswara, tur taru sanĕ karĕbah mantuk ka Dĕsa, sasĕmpun polih palugrahan saking sang amawarĕt;
- (3) Yan wĕntĕn wit-witan wiyadin kakayonan ngungkulin palĕmahan anak sawos, sanĕ ngawinang tiyĕb, tampyas, ngarobĕdin, asing kungkulan wĕnang ngatĕngahang ka Dĕsa, Prakanggĕn Dĕsa maritĕtĕs saha mituduhang sang madrĕwĕ mangda ngrĕcap, nĕbtĕb, wiyadin ngarĕbah. Yan kantos ping tiga pituduh Dĕsa tan kalingu, wĕnang katiwakan dandha sang anikĕl tuduh, gung artha manut paswara Kakayonan punika prasiddha karĕbah antuk Dĕsa picuandhang.
- (4) Sanĕ kĕni pamidandha penyangaskare saha prebeya manut paswaran dĕsa arep ring wewangunan sang karubuhan luwire;
  - ha. Sang nruwĕnang wit taru sanĕ kasinanggeh mayanin pradĕ pungkut ngarubuhin wawangunan krama siosan
  - na. Sang notor, munggul uthawi ngerebah taru sanĕ ngarubuhin wewangunan krama siosan.
- (5) Tanĕm tuwuh jroning karang pomahan, tan kalugra tĕgĕh ipun lintangan ring jan palit solas ( $\pm$  5 m), bungkil ipun adĕpa agung ( $\pm$  2,5 m) saking pahĕngkĕrĕ ngajrowang. Yan mamurug wĕntĕn ngatĕngahang ka Dĕsa, yogya sang madruwĕ katiwakan dandha gung artha manut paswara; saha ngarĕbah sajroning tigang rahina saking pamuput babawosĕ.
- (6) Kakayonan jroning karang pomahan hugi mapyara mangda tan ngalĕtĕhin,

ngarobėdin, mamayèn karang sawosan, saking akah kantos daun ipun. Yan wèntèn mamurug, tan tulinga ring kakayonan duwè wèntèn ngatėngahang ka Dèsa, prakanggèn Dèsa yogya maritėtės, saha nėpasin manut panglokika.

- (7) Yan wèntèn wit taru mėntik kantos agėng ring babalėdan, watės, salwiring babalėdan mwan watės, wèntèn ngatėngahang ka Dèsa, patut taru punika karėbah, raris pinara tiga, apahtigayan mantuk ka Dèsa, sang maduwè babalėdan apahtigayan sowang-sowang.
- (8) Yan wèntèn sinalih tunggil nundungin tanėm tuwuh, kakayonan, sanė kaswatah pacang mamayèn, wėnang kabawosang ring sang madruwè. Yan akas sang madruwè, yogya katėngahang ka Dèsa. Prakanggèn Dèsa nėgdėg tanėm tuwuh wyadin kakayonan punika, yan manut panglokikan prakanggèn Dèsa yogya tundungin, talėr akas sang madruwè, patut sėpat gantungin. Yan jati kadi pañwatahè yogya sajroning tigang dina, karėbah picuņdangan. Sang madruwè katiwakan daņdha gung artha manut paswara došanė anikėl tuduh. Yan tan yukti kadi pañwatahè, sang ngatėngahang katiwakan daņdha gung artha manut paswara došanė angadakakėn nora. Tanėm tuwuh wyadin kakayonan punika tan karėbah.
- (9) Yan wèntèn sinalih tunggal ñadya nandur pijėr, turus, salwiring tanėm tuwuh wyadin kakayonan sanė pacang dados agėng, nėsėk ring babalėdan, ring watės, papunduk, hugi masupėkša ring Prakanggèn Dèsa, kalih ring pañanding sowang-sowang. Yan tan kalugra tan kapisukayang, piradènė kapurug, yogya sang mamurug katiwakan daņdha gung artha manut paswara tur ngamadhėmang tatanduranė.
- (10) Yan wèntèn krama nandur pijer minakadi tatanduran sekadi poh, mete, juuk miwah sanė sawosan sanė tuwuh ipun panjang, ring tėgal sasakapan, hugi mangda makāryya pasobhaya ring sang madruwè tėgal hinucap. Yan durung pinganan mawoh tatanduran punika, durung nahėn ngalapin woh

ipun pinih sor limang pelabuh, sajaba sangkaning kahiwangan penyakap., raris kajabutan, yogya sang madruwè tĕgal nawur panjala sawit-sawit, gung artha manut paswara.

### Palĕt 3

#### Indik Wawangunan

Paos : 25

- (1) Sang sapasira hugi krama Dĕsa sawawĕngkon Dĕsa Pakraman Dukuh yan pacang ngawangun pañĕngkĕr karang pomahan, patut masupĕkṣa ring pañandingĕ. Yan tan radin yogya nunas dĕgdĕgan ring Prakanggĕn Dĕsa. Prakanggĕn Dĕsa nĕgdĕg saduhajĕng sang mawiwara.
- (2) Wawangunan ring palĕmahan pĕcak carik, tĕgal, palĕmahan suwung, sanĕ sĕmpun masanggah pawon sanistanya sanggah kemulan palĕmahan punika prasiddha kabawos karang pomahan, dwaning sĕmpun katiwakan pangupakĕran karang. Awanan patut madruwĕ rurung bĕtĕl ka marggi agung, sukat dados pacang ngalintangang papaga, dwaning tan kapatut ngalintangang ṣawa ring carik miwah tĕgal. Yan wĕntĕn mamurug, yogya prakanggĕn Dĕsa niwakang tatĕpasan mangda sang mamurug mrayaṣcita palĕmahan hinucap sanĕ kalintangin. Salantur ipun mantuke talĕr nenten dados ngalintangin patĕgalan minakadi ngutang eteh-eteḥ upakara sawa, sejaba ring sĕtra.
- (3) Yan tan masanggah panguluning karang, kabawos akakubon. Tan yogya gĕnah angrakṣa ṣawa. Yan wĕntĕn mamurug, yogya katiwakan pamidaṇḍha mrayaṣcita palĕmahan ika.
- (4) Yan wĕntĕn sinalih tunggal pacang ngawangunang wawangunan gĕnah ngalakṣanayang upacara Agama luwirĕ: Pura, Masjid, Gerĕja, Wihara, miwah sanĕ sawosan, hugi mangda wĕntĕn lĕkita palugrahan Prakanggĕn

Dèsa, kalih lèkita palugrahan guru wisèša, yan wèntèn mamurug, kabawos tan siddha kār̥y̥ya, tan wěnanḡ anggèněn.

- (5) Wawangunan jroning karang pomahan, hugi nganutin Tri-maḡdhala; utama maḡdhala, sanggar panguluning karang; madhya maḡdhala, pagěnanan mapumahan; niṣṭa maḡdhala, ngaran lěbuh, jabayan.
- (6) Tan wěnanḡ ngungkulang capcapan wawangunan ka jroning karang pomahan sawosan tani druwè. Yan wèntèn mamurug, wèntèn ngatěngahang ka Dèsa, yogya Prakanggèn Dèsa něgděg, saha ñipat gantungin. Yan jati lintang, sajroning selahè rabina saking puput babawosè mangda sām̥pun kapaṣṭika.
- (7) Tan wěnanḡ nganggèn těmbok umah wyadin těmbok pañěngkěr tani druwè. Wěnanḡ ya kasambatsara antuk sang madruwè. Yan akas tur mamurug sang kasambatsara, yogya katěngahang ka Dèsa. Kabawosan antuk prakanggèn Dèsa.
- (8) Sang sapa sira ugi pacang mapawangun něpi ring marggi agung, něpi ring rurung Dèsa, yogya wèntèn lèkita palugrahan sang mawā rāt, wiyadin likita palugrahan sang amawarāt. Yan tan polih lèkita palugrahan, padgatakāla wawangunan punika dados katundungan tan ngètang prabhèyan katundungan.
- (9) Sang sapa sira hugi ngawěngku karang pomahan, yogya hurāti myara kahaśriyan lěbuh pakaranganya, rurung pěntasan pinih sor asukat karangnya ngalajur.
- (10) Sang sapa sira hugi pacang ngawangun hotel miwah sapanunggilan ipun ring wawidangan dèsa Pakraman Dukuh, patut mewaneng pinih sor, sor depa saking pura-pura sanè wèntèn sajroning dèsa. Saha hugi mangda wèntèn lèkita pasubaya kalih paligrahan saking prajuru dèsa kalih sang amawarāt.

Palèt 4

Indik Wawalungan

Paos 26

- (1) Sanè kinucap wawalungan, sakañcan buron suku pat sanè ñadya kapyara, sakadi: bawi, bantèng, kambing, këbo, misa, jaran, miwah sapanunggilan ipun ; talèr watèk makampid sanè ñadya kapyara, sakadi : ayam, itik, hangsa, dolong, miwah sababacakan ipun.
- (2) Sang sapa sira hugi krama Dèsa sanè myara wawalungan suku pat, sajaba hasu, tan wèngang ngalumar. Sanè patut matlusuk, mangda matlusuk; sanè tan patut matlusuk, mangda matègul bawong; sanè patut maglogor, makandang, patut maglogor wiyadin makandang. Mangda tan ngarucakin, ngalètèhin palèmahan tani druwè, miwah mamayèn krama dèsa jana pada. Yan hasu mangda mabèlat, lwirè makalung bawong, maka cihna wèntèn sanè miyara.
- (3) Sekancan wawalungan ring hajèng malumar uthawi mabukti ngarucakin wèngang taban tur këni pamidandha manut panglokika minakadi paswaran dèsa.
- (4) Sang sapa sira hugi krama Dèsa, miyara watèk suku kalih, watèk makampid, yatnain hugi, mangda tan bangèt ngarucakin, ngalètèhin, palèmahan tatanduran druwèn anak sawos. Yan wèntèn mamurug këni dandha manut paswaran dèsa.
- (5) Tan wèngang ngangonang. nègulang, hingon-hingon ubuh-ubuhan, ring palèmahan tan druwè, minakadi tan sasakapan druwè yan tan kapisukayang. Sang madruwè palèmahan, prakanggèn Dèsa, langlang Dèsa, këliyang-këliyang asing mamanggihin, wèngang ñambatsara sang madruwè wawalungan ika. Yan hakas sang kasambatsara, wawalungan ika wèngang taban, Prakanggè Dèsa yogya niwakang pamidandha, manut lokika, gung artha manut pasuara.
- (6) Tan wèngang ngangonang, negulang ubuh-ubuhan sajroning palèmahan

karang pura kahyangan salwir ipun, minakadi sètra, rurung, pundukan uthawi lisik, margi, telajakan karang, palēmahan sanè kapingitang, karang suwung miwah sabacakan ipun. Yan wèntèn mamurug prajuru dèsa, langlang dèsa, kliyang-kliyang bañjar sinalih tunggal, asing mamanggihin wèngang nyambat sara saha naban waalengan ika. Katengahang ka dèsa, katiwakan dandha gung artha manut paswara, saha mahayu tan wèntèn karusak tur mrayascitta palēmahan ika sanè nyandang prasyascitta manut panglokika.

(7) Yan wèntèn maubuh-ubuhan sajroning karang pomahan, hugi tlajan mrātyakṣayang kandang ipun, mangda tan ngawētawang bhaya, panyungkan. Talěr mangda hapik, guritèn, sikṣa, mangda tan kantos ngalētèhin, ngarobèdin, cērobo karang pomahan wiyadin palēmahan pañandingè. Yan wèntèn mamurug, tan sikṣa ring hingon-hingon miwah kandang ipun, wèngang pañandingè ñambatsara. wèngang katengahang ka Dèsa, prakanggèn Dèsa nēpasin. Wèngang katiwakan dandha, manut panglokika kalih paswaran dèsa.

(8) Krama dèsa nenten dados ngewangun kandang wawalungan ring karang dèsa.

(9) Yan godèl, bantèng, durung matlusuk; godèl jaran uthawi babedag, kambing, miwah sabacakan ipun, durung hantès matègul, tan wèngang taban, yan tan ngajak hinan ipun. Yogya salabarang ring sang madruwè.

(10) Yan wèntèn wawalungan ngarucakin, nga rug tatanduran, wèngang taban.

**Sang madruwè tatanduran ngatengahang ka Dèsa pramangkin, kabawosin antuk prakanggèn Dèsa, saha katiwakan dandha manut lokika paswaran**



dèsā.

- (11) Yan bèbèk, dolong, angsa, ayam miwah sapanunggilan ipun, ngarucakin tatandhuran, talěr wěnanng taban. Indikè naban, mangda masakṣi, saha kasupèkṣayang ka Dèsa pramangkin, prakanggèn Dèsa yogya mamawosin niwakang pamidaṇdha manut panglokika
- (12) Yan wèntěn wawalungan ngělèb, maměgat, ngarañjingin palēmahan pura, kahyangan, sètra, karang pomahan, miwah sanè sawosan, lokikaněn juga. Yan tan ñadya ka lèbang, tan yogya taban.
- (13) Sang sapa sira hugi tan kalugra ngejuk paksi, sajaba paksi punika marupa merana, yan wèntěn mamurug wěnanng katengahang ka dèsa pramangkin, kabawosin antuk prajuru dèsa saha katiwakan dandha manut panglokiaka kalih paswara dèsa.
- (14) Sang sapa sira hugi tan kalugra ngejuk, ngamademang bojog miwah sabacakan ipun yan tan tedun minakadi ngarucakin tatanduran krama dèsa, yan wèntěn mamurug wěnanng katengahang ka dèsa pramangkin kabawosin antuk prajuru dèsa saha katiwakan dandha manut panglokika kalih paswara dèsa.
- (15) Sakancan dadandhan, dadosan, sanè mungguh ring ajěng, sami mantuk ka dèsa.

PAÑCAMAS SARGAH  
SUKRĚTA TATĀ AGAMA

Palět : 1

Indik Dewa Yajna

Kaping 1

Indik Kahyangan

Paos : 27

- (1) Mungging kahyangan Tiga, Pura Pusėh, Pura Dèsa uthawi Balè Agung, Pura Dalēm miwah Prajapati, minakadi kahyangan dèsa sakadi hinucap ring

padruwèyan dèsa Pakraman Dukuh ring hayun pengaci-aci kalih papayon sami kabhëmponin antuk krama dèsa manut paswaran dèsa minakadi kuna dṛṣṭa;

- (2) Sajaba pura kahyangan tiga minakadi Pura-pura sanè mula kabhëmponin antuk dèsa, papayon, kalih pangaci-aci, kabhëmponin antuk krama pemakṣan sanè nyungsung Bthara ring pura Kahyangan punika sowang-sawang;
- (3) Yan wèntèn karecehan, wicara, sajroning Pura Dadya, Kahyangan, Subak, sinalih tunggal, yan kantos karanjingang ka dèsa, prajuru dèsa mamwosin, nyahsahang, nepasin wicarane, mangda kasiddhan mawali landuh jatimula;
- (4) Tan wènanng nguwah-nguwuhin palinggih Bhatara, sanè wèntèn ring Pura Kahyangan sowang-sawang, sangkaning pamuwus balian sonteng;
- (5) Yan wèntèn Pura Kahyangan sinalih tunggal, reneng pangaci-acinya, kantos kadasa warsan, yogya prajuru dèsa mamawosin, maritetes, ngutsahayang mangda kasiddhan mawali kadi kajati mula, nanghing pradè tan kasiddhan, majalaran antuk pamutus paruman dèsa, mangda prasiddha panghëmpon ngawangunang pangupacara mralina pura punika, mangda tan ngranjingan antuk Ki Bhuta Kāla;
- (6) Yan wèntèn pura sinalih tunggal magènah ring dèsa Pakraman Dukuh, panyungsung miwah panghëmpon ipun sami magènah ring dura dèsa, nenten wèntèn kari makrama dèsa ring dèsa Pakraman Dukuh, yogya pura punika kēni prebeya panyanggra ka dèsa satunggil aci-aci piodalan sasih kapat, kelima minakadi sasih kasanga gung artha manut pamutus pararēm dèsa.

Kaping 2

Indik Pangaci-aci

Pawos 28

- (1) **Indik pangaci-aci** ring pura kahyangan sanè wèntèn sajroning wawengkon **dèsa pakraman Dukuh** kahamongin antuk krama dèsa, manut hhëmponan

wiyadin pamakṣan sowang-sowang, sajaba sanè kahēmpon antuk krama dèsa sami. Sowang-sowang pura madruwè kagaduahan, pinaka hugèr pangaci-aci, miwah babantèn;

- (2) Sanè yogya muput aci-aci punika, wantah Ida sang maangga Sulinggih sanè katuhur antuk krama dèsa minakadi Pamangku pura ring pura hinucap;
- (3) Yan wèntèn sinalih tunggal pura durung madruwè pamangku, uthawi pamangkune kapyalang, dados nuhur sinalih tunggal pamangku kahyangan dèsa, pradè talèr tan mrasidayang patut nuur Ida sang maangga Sulinggih;
- (4) Pamangku dèsa punika wantah pamangku Pura Pusèh, Pura Dalèm, Pura Dèsa, Pura Bañjar, minakadi Pura-pura sanè kahēmpon antuk dèsa sanè wèntèn sajroning Dèsa PAKraman Dukuh kalugra ngantèb bantèn pangodal minakadi sanè sawosan ring pura-pura sawèngkon Dèsa Pakraman Dukuh sanè mamuatang, talèr manut kawēnangan Pamangku;
- (5) Ritakāla dèsa ngawangun kāryya Agung lan aci-aci Bhatara Turun Kabeh, minakadi kāryya agung sawosan, dèsa wēnang nyarad pamangku-pamangku kahyangan sanè wèntèn ring wawengkon Dèsa PAKraman Dukuh pacang ngarombo pamangku dèsa;
- (6) Indik pangaci-aci ring Pura Pamrajan, Pahibon, Dadia mwanng pura-pura sajaba hhēmponan dèsa sanè wèntèn sajroning dèsa Pakraman Dukuh, punika kahamongin antuk krama dèsa sajroning sékaa dadia, pamrajan manut sima dṛṣṭane sowang-sowang tan singsal ring ucaping sastra agama hindu.

Pawos 29

**Rahina piodalan kalih usabha Kahyangan Tiga miwah Kahyangan dèsa lwirè ;**

- (1) Pura Dèsa uthawi Pura Balè Agung, piodalan ring purnama sasih : *Kalim*
- (2) Pura Pusèh, piodalan kāla purnama kalima.

- ha. Mesucian uthawi melis k̄ala penanggal ping 13 sasih kalima.  
na. Mek̄ala-k̄alaan agung k̄ala purnama kalima satunggil kalih warsa apisan ring pamangk̄alan agung.
- (3) Pura Panti, piodalan rik̄ala penanggal ping 14 sasih kalima  
(4) Pura Sababotoh, mèlinggih ring Pura Pusēh, piodalan rik̄ala panglong apisan sasih kalima.  
(5) Pura Grya palinggih R̄ātu Dukuh Bujangga Sakti, magēnah ring Pura Dēsā uthawi Pura Balè Agung, piodalan rik̄ala purnama kadasa.  
(6) Pura Tēgal Suci, piodalan rik̄ala purnama kadasa.  
(7) Pura Bañjar, piodalan rik̄ala panglong ping kalih sasih kadasa.  
(8) Pura Pamelangan, usaba rik̄ala panglong ping kalih sasih kadasa.
- (9) Pura Dalēm  
Ngusaba Dalēm ring tilēm kalima.  
Pacaruan ring jabaan, carunya mabayang-bayang :  
ha. Ayam Brumbun  
na. Godèl Sampi Muani  
ca. Kambing Selem Muani  
ra. Asu bang Bungkem  
ka. Bèbèk Belang Kalung
- (10) Pura Pamangk̄alan, Piodalan ring tilēm kasanga  
Ngraris pacaruan mabayang-bayang :  
ha. Ayam Brumbun  
na. Godèl Sampi Muani  
ca. Kambing Selem Muani  
ra. Asu bang Bungkem  
ka. Bèbèk Belang kalung
- (11) Pura Segara minakadi Pura Petirtan, piodalan rik̄ala penggal ping 13 sasih

kalima.

- (12) Pesegeh tunggil kajěng kliwon, purnama, tilěm, kasanggra antuk pamangku sowang-sowang pura, padagingan saking druwèn pura, pamakšan, kahantebang antuk pamangku sowang-sowang.
- (13) Rikāla kabrebehan jagate, kegeringan, katiben pañca bhaya pinganan tan mrasidayang ngaturang aci-aci kadi patute, yogya prajuru dèsa miwah pamangku dèsa, ngaturang piuning ring bhatara masadana babantěn pejati guru piduka, pacanangan makacihna tan pegat aci-acine, riwus mawali degdeg jagate patut ngawangunana Bhatara Turun Kabeh masesirih makakobok ke Segara Giri.
- (14) Yan ritatkāla mamahayu, nganyum papayon, ring pura-pura kahyangan, pinganan tan puput kāla dinaning piodalan, pangacine wěnanng karangkadang, naghing patut ngaturang pejati guru piduka pacanangan tan dados pegatang, riwus puput masesapuh salwirè, malih mawali kadi kuna uthawi jati mula.

### Kaping 3

#### Indik Pamangku

#### Pawos 30

- (1) Ring sowang-sowang pura kahyangan patut ngaděgang pamangku
- (2) Pidabdab ngaděgang pamangku :  
Sangkaning katurunan sanè kajujuh uthawi kasudi saha kabriyukin antuk krama dèsa Pakraman Dukuh.
- (3) Sang tan wěnanng kahaděgang dados pamangku lwirè ;  
ha. Cèdangga : Pècèng, pèrot, Cungih, lan sapanungilanipun

na. Mabukti sungkan rahat.

ca. Mabukti nahēn ngērug sasana, minakadi malakṣana corah .

- (4) Sang sapisira hugi pinaka jan banggul pamangku minakadi ring Pura Kahyangan Tiga miwah Kahyangan dēsa ring Dēsa Pakraman Dukuh mangda pagēh ngamēl kalih ngalakṣanayang śāsanan Pamangku.
- (5) Sang sapisira hugi krama dēsa, sangkaning saserod, minakadi kajujuh kabriyukin antuk krama dēsa, pacang kaanggèn pamangku, yan kari alaki rabi yogya lanang istri mawintēn.
- (6) Sang kasudi pacang kanggèn Pamangku, patut mawintēn ring Pura gēnahè dados jan banggul; munggwing prabèya kasandangin antuk pamakṣan pura sowang-sowang, yan pemangku dēsa kasanding antuk krama dēsa.
- (7) Pamangku patut madruwè hamongan pura sowang-sowang. Yan tan madruwè hamongan pura, prasiddha tan kalugra ngantēbang babantēn ring pura salwirè.
- (8) Sinalih tunggal Pamangku Kahyangan Tiga mwah kahyangan dēsa yan katekan pati, yogya tiniwaken. Patut polih patulung prabeya atitiwa, saking dēsa yan pamangku sawosan, saking krama pura sowang-sowang, agung alit pitulunge nganutin pamutus babawos sajroning pararēman kāla punika.
- (9) Yan pamangku wus tiniwaken, patut kakāryyanang pangelad uthawi sangauk, wyadin papegatan antuk dēsa uthawi krama pura hinucap. Punika yan pamangkune kari ajeg ngamong swadharmaning pamangku kantos hantaka.
- (10) Pioli-oli pamangku lwirè :
  - ha. Penyolasan saking sarin canang, upon-upon tēgal pelaba pura manut pamutus pararēm dēsa.
  - na. Luput papeson.
- (11) Swadharmaning pamangku lwirè :
  - ha. Ngenterang, kalih ngantēbang upakara pujawali uthawi pangusabhan

ring pura sowang-sowang yan tan kapuput antuk Ida Sang Maraga Sulinggih.

na. Pradè salah sinunggil pamangku kahyangan tiga uthawi kahyangan dèsa kapialang uthawi cuntaka kènghin nuhur pamangku dèsa sanè wèntèn sajroning dèsa Dukuh saking palugrahan prajuru dèsa.

(12) Pamangku kagěntosin majalaran antuk :

ha. Sangkaning Sèda

na. Mapinunas mararyyan, saking patut pinunasè, nānging tan kari ngalakṣaṇayang dharmmaning Pamangku. Kawėkas kālaning séda tan polih patulung prabhèya atitiwa.

ca. Saking patut pinunasè, majalaran antuk lingsir, sāmpun tan mampuh sungkan rahat tan kèngin waras. Kajadayang antuk krama pura, wiyadin dèsa. Kawėkas kālaning dèsa, patut polih patulung, prabhèya patatiwan.

ra. Sangkaning kahusanang, majalaran antuk malakṣaṇa mamurug śāsanan Pamangku. Kawėkas kālaning séda tan polih patulung prabhèya atitiwa.

#### **Kaping 4**

#### **Indik Sukrettan Pura Kahyangan**

#### **Pawos 31**

(1) Rikālaning maturan hamung pamangku ring kahyangan punika dados mungguh tedun ring palinggih-palinggih pura kayangan inucap. Minakadi sang sāmpun polih lugraha saking pamangku pura hinucap minakadi lugraha prajuru dèsa. Yan wèntèn mamurug katiwakan dēṇḍha mrayaścita palinggih punika.

(2) Pamangku sanè patut ngantēbang babantèn ring pura sinalih tunggal, wantah Pamangku sanè kadruwè antuk Pura punika. Yan néntèn wéntèn pamangku ring pura punika uthawi kapyalang dados nyarad pamangku

sawosan, sajroning dèsa Pakraman Dukuh saking palugrahan prajuru dèsa.

- (3) Tan kalugra mamisuh mabawos pati kacuh, nguman-nguman ring sajroning kahyangan wyadin pura, yan wèntèn macihna mamurug kèni dandha tur mrasayascita pura manut pamutus pararēm dèsa.
- (4) Tan kalugra masumpah, ma coran sajroning pura kahyangan sinalih tunggil, sajaba sangkaning wicaran pura hinucap, talěr saking pabuwat krama pemakšan pura, uthawi pabuat krama dèsa sanè nghēmpon pura punika.
- (5) Tan kalugra wak capala, hasta capala, pāda capala miwah sapanunggilan ipun, sajroning pura-pura kahyangan. Yan macihna wèntèn mamurug, wèntèn raris ngatēngahang ka dèsa yogya tiniwakan dēṇdha pamarisuddhan kahyangan.
- (6) Tan kalugra malakṣaṇa kantos ngawētawang byota ring pura kahyangan. Yan wèntèn mamurug, sang kapineh sāmipun nama wirang kantos maywadi ring pura, yogya tiniwaken dandha gung artha manut pangargan beras 10 kg. Kang sawiji, saha marisuda kahyangan punika.
- (7) Sang sapaṣira hugi kacuntakan, salwiring cuntaka, yan durung mabrēsih, tan kalugra ngarañjing ka Pura Kahyangan. Yan katēngēr wèntèn mamurug, yogya katiwakin daṇdha marisuddha kahyangan punika.
- (8) Sēdahan hēngèngan miwah sapanunggilan ipun tan kalugra masēha ring Pura Kahyangan sinalih tunggal. Yan wèntèn mamurug, yogya mrayascita pura tur dandha gung artha manut paswara saha ngawangdeyang uthawi ngawusanang maseha.
- (9) Tan kalugra ngawèntēnang kaklēcan, jajudèn, sajroning suter pura kahyangan, yan wèntèn mamurug sang ngēlakṣanayang katur ring sang amawa rāt, tur kaklecan jējudén punika kawangdéyang uthawi kahusanang, ring dèsa kèni pamidandha manut pamutus pararēm dèsa, sajaba rikāla upacara wali mecakcakan ring dèsa.
- (10) Tan kalugra makta salwiring sanè kasinanggeh tan suci ngranjing kajroning suter uthawi panyengker Pura Kahyangan. Yan wèntèn mamurug, yogya sang mamurug marisuddha pura ika.



- (11) Sang sapisira ugi rikālaning makēmit ring Pura Kahyangan, yan mērēm, tan kalugra madukan lanang istri, sajaba anak sanè kapinĕh kari alit, durung rumaja putra, yan mamurug kĕni daᅇdha manut pangargan beras adasa kilogram, kang sadiri-sadiri tur mrayascita pura punika.
- (12) Pamakᅇan sowang-oswang Pura Kahyangan sawawĕngkoning Dĕsa Pakraman Dukuh, kalugra madruwĕ sukrĕta ndiri-ndiri, nanging tan dados singsal ring Pasukrĕtan Dĕsa Pakraman Dukuh.
- (13) Pura kahyangan tan wĕnang kaanggĕn sajaba ngalakᅇanayang upacāra agama Hindu manut sastra agama hindu bali. Yan wĕntĕn mabukti mamurug sang malakᅇana kawangdĕyang, tur pakardinyane kapucĕh, saha sang ngalugrain kadaᅇdha manut pangargan beras 10 kilogram, mawĕwĕh ngawĕntĕnang upacara panyangaskara pabrĕsihan.
- (14) Yan wĕntĕn macihna anak sang sapa sira hugi, katedunan uthawi kapangluh sajroning pura kahyangan sawawengkon dĕsa Pakraman Dukuh mabawos minangkenang Ida Rātu Sasulunan uthawi Bhatara, ring gelis tunasang tirta laluputan mangda gelis hudep. Pradĕ sasāmpun kaketisin tirtha, kantun ngatamel masera masero, ngawĕtuwang sumĕndĕya kayun pamakᅇanĕ, irika patut pintonin. Indikĕ mintonin, ambilang toya apane celebang liman nyane makakalih yan mabukti tan bĕlus, nyandang gĕga pangandikan Bhatara. Yan pradĕ bĕlus tan nyandang gĕga gĕlisang gingsirang gĕnahang mangda doh saking pura punika.

## Kaping 5

### Indik Cuntaka, miwah Sosot

#### Pawos 32

- (1) Sang sapisira hugi krama dĕsa sanĕ kahanan cuntaka, tan wĕnang

ngarañjing ka Pura Kahyangan, ka pañuciyān kāla ning ñuci gëning, minakadi gënah salwiring gënah sanè kinucap suci pingit. Tan wënanng ngaryyanin saji salwiring saji sanè pacang katur ka Sanggar tawang, sakadi suci gëning, minakadi bantën salwir ipun sanè jaga katur ka pura, miwah sanè katur ring pitra pindha. Munggwing bantën sané jaga katur ka Prajapati, Dalēm panguluning sètra, dados karyyanin ring umah sang cuntaka kālaning ngupakāra śawa.

(2) Lwir sanè kinucap cuntaka :

ha. Anak istri kālaning ngraja-swala. Suwèn cuntakanè, saking ngawit ngrajaswala, kantos ñat, macihna sām̄pun malukat.

na. Sang ngantèn lanang istri. Suwènè cuntaka, ngawit saking rahina pangantènanè, wyadin rahina merangkatè, kantos puput mabyakawon, masamayut prayaścita, malukat matirtha.

ca. Yayah rena cuntaka sangkaning madruwè oka. Sanè lanang cuntaka, suwènè saking mbas anakè alit, kantos kēpus hodēl ñyanè raris malukat. Sanè istri pinaka rēna, cuntaka pètang daśa kalih dina saking wawu mbas rarènè.

ra. Yan anak istri cuntaka sangkaning karuron, pateh ring cuntaka ngembasang oka, sanè lanang cuntaka tigang rahina, saha sām̄pun malukat.

(3) Cuntaka malarapan antuk kasèdayan, kapatiyan :

ha. Yan wèntën anak alit durung kepus hondel raris sèda, yayah ranane cuntaka 42 dina.

na. Yan sang ngarēpin, minakadi sang magënah sajroning karang pomahan sang sèda, suwènè cuntaka, saking wawu sèda, kantos marerebu malukat tur macaru.

ca. Yan sang polih nglajo, ngarap śawa, ngamēl saha ngarēmbat sahètèh-

ètèh upakāra pula-palining śawa, cuntaka tigang dina, punah cuntaka macihnayang antuk malukat.

ra. Sebel karang dados margiyang saking ngawit sèda kantos Ida Bhatara masineb. Wawanengan sebel karang hamuring sang magēnah sajroning karang sanè kacuntakan. Yan pacang ngamargiang sebel karang, patut pendem makinsan kālaning wengi, tan polih panyanggran bañjar uthawi dèśa.

ka. Yan sang polih nēmbah śawa, mangan paridan śawa, punika talēr kabawos cuntaka. Suwènè cuntaka tigang rahina kantos sasāmpun polih malukat.

(4) Cuntaka sangkaning malakṣaṇa mamitra ngalang. Suwènné cuntaka, salaminè mamitra ngalang.

(5) Anak wētū sangkaning mamitra ngalang, uthawi tan pawidhi-widhana pawiwahan, babinjat, punika talēr cuntaka. Suwènè cuntaka, salamine durung wèntēn meras, wiyadin nuduk ngangkēnin pianak, uthawi nganggèn dadaman.

(6) Cuntaka sangkaning mabhukti madruwè panyungkan sanè tan siddha waras salamine, kadi hangganing hila, buduh, ngawijilang reged saking silit, bhaga, purus, tan henap mameres, brung borok tahunan mabanyeh, miwah salwir punika.; Suwènè cuntaka, salamini tan waras.

(7) Cuntaka sangkaning cédangga sanè kabakta saking wawu mbas saking garbhawaśaning ibu. Punika tan kawēnang napak palēmahan pañuciyan gēnah nūci gēning.

(8) Yan wèntēn sinalih tunggal sang cuntaka antuk ngarakṣa sawa wiyadin layon, mainanah uthawi mapaakayun ngarawuhin kāryya hatu atma-wēdana, minakadi mabhakti ring sang wēnang kabhaktinin, dados, nanghing tan wēnang ngarap, ngarembat, nyuwun, ngamēl, saupakaran puspa lingga

(9) Yan wèntēn sinalih tunggal krama dèśa durung tutug cuntaka kadi hucaping harep, mamurug larangan, yan wèntēn ngatengahang ka dèśaq, prajuru dèśa niwakang pamidandha, yogya sang mamurug marisuddha sakabwatan manut panglokika.

- (10) Yan wèntèn sinalih tunggal anak istri, sangkaning tan mēhā ngrajaswala sasāmpun ring pura, wyadin ring gēnah larangané sawosan, raris kacirènan, wēnang ya tiwakin daṇdha tanmēhā, yogya marisuddha gēnah punika. katulung antuk pamakṣan pura wiyadin pangēmongè sowang.
- (11) Yan wèntèn sinalih tunggal krama dèśa, kacuntakan antuk ngrakṣa śawa, wiyadin layon, napkāla pagilih pagentosan subak babañjaranya ngaci-aci ring sinalih tunggal kayangan dèśa, pacaruwan ring dèśa, sadurung tutug sēngkēr cuntakanya, wēnang tan tēdun māyahan, tan dinosan. Nanging yan wèntèn pasadok sang cuntaka ring Prajuru Dèśa. Yan wus tutug cuntakanè, patut narēgtēg yan kari ngalantur patēdunanè. Mungging piturunan, pawijilan daging salwir ipun, yogya katahur mahetang pangarga.
- (12) Tan kalugra masusuin rare sajroning pura Kahyangan yan wèntèn mamurug kēni dandha mrayascita pura.
- (13) Yan cuntaka gamya gamana, prajuru dèśa nyantosang pamutus sang mawa rāt, yan wèntèn pamutussaking sang amwa bhuni, ring dèśa katiwakan dandha, kadi ring sor puniki, lwiré: mangda mrayascita raga, gēnah malakṣana, kahyangan dèśa, miwah dèśa pakraman. Pradé yan katiwakan pamidanda mamandel, prasida dèśa sanè mrayascita dèśa miwah kahyangan, sang mamandel kabawosin ring dèśa, kichen pamutus antuk prajuru dèśa, manut pararēm dèśa.
- (14) Cuntaka sangkaning mabhukti salah timpal, cuntaka ragan sang malakṣana miwah dèśa pagēnahanya. Tutug cuntakane yan sāmpun sang malakṣana mrayascita panyangaskara raga, gēnah malakṣana, dēsane mrayascita dèśa. Buron sanè kaajak matemu smara kapademang, bangken ipun katanem.
- (15) Anak luh bèling tan kapariangken antuk lanange, suwène cuntaka kantos wèntèn pangupakara panyangaskara kulawisuda, anakebèling mawidi widana pawiwahan masanding keris pinaka linggan sang kadalih.

- (16) Anak luh bèling tan wèntěn mariangken anak muani, suwène cuntaka kantos lekad rarrene, saha wèntěn pengupakara kulawisuda.
- (17) Yan wèntěn anak mabukti nyolong smara, cuntaka pateh ring cuntaka gamya gamana.

### Pawos 33

(1) Indik Sosot :

- ha. Yan wèntěn sinalih tunggal pacang nahur sosot wiyadin sasangi, salwiring sasangi, gumanti sanè patut nganggèn paměgat sot, tan dados nahur sot yan tan kālanning ūina piodalan Bhaṭāra. Ngadaśa dinayang aci-aci, sang pacang nahur sasangi patut sām̄pun masadok ring Pamangku Pura, yan ring Kahyangan Dèśa panahuranè masadok ring Pamangku dèśa. Panahuran sasangi ika, wawu kālakṣanayang yan sām̄pun puput pangodalne.
- na. Yan wèntěn sinalih tunggal nahur sasangi pacang ngaturang pangodal, hugi mangda ring pagantosan piodale. Sang nahur sasangi, ñukṣrahang daging cuměk saprabhèyaning pangodal ring pamakṣan pura.
- ca. Yan wèntěn sinalih tunggal nahur sasangi maturan swaran tangguran salwiring tatabuhan, sasolahan, minakadi salwir ipun, munggwing prabhèya punika sami kaangganin antuk sang masasangi.
- ra. Yan wèntěn sinalih tunggal nawur sasangi maturan palinggih ring pura hugi kadadosang, hamung palinggih sanè sām̄pun patut gentosin.

(2) H a t u r a n :

Yan wèntěn sang sapaśira hugi ngaturang jinah, mwang sarupaning barang, punika sami patut kahunadikayang antuk Prajuru dèśa, Kēliyang Pamakṣan Pura swang-swang, mangda kasiddhan mapwara hayu. Haturan punika kaungguhang jroning lēkita.

(3) Sasarin Canang :

Sang mamēdēk sesidan-sidanya ngaturang sasarin canang. Sasāmpun puput pangaci-aci pūja walinè, sasarin canang punika kapupulang saha kawilangin. antuk prajuru dèsa, indik tatiwak kalih pamargin ipun, sangkaning jati nirmala.

(4) Indik kakālapan:

Kakālapan ritatkāla krama dèsa nahur sasangi, manut kuna dṛṣṭa.

**Palēt : 2**

**Indik Rēṣi Yajna**

**Paos : 34**

- (1) Krama Dèsa Pakraman Dukuh, yoga ngawrēdiyang kaprajñanan, kaultaman Sang Hyang Aji, asèwaka nunas pawarah ring sang maraga widagha prajñan, pingajēng ring sang kasinanggal guru loka.
- (2) Prajuru Dèsa, Kliyang Bañjar, ngutsahayang kawrēdiyan kamuruban kaultaman Sanghyang Aji, ngawèntēngang pasamuhan-pasamuhan, parēmbugan, pinaka gēnah krama dèsa mamanggulang pawarah-warah hayu.
- (3) Kālaning diwasa hayu, wēngang Dèsa matīrtha yatra, wēngang dèsa ngaturang puniya miwah rēṣi bhojana ring Ida Sang Sulinggih. Talēr kālaning karyya utama ring Dèsa, salwiring kāryya sanè kaputus antuk ida sang maangga sulinggih patut ngaturang puniya. Asapunika talēr ring sang mapitulung patut mawéh dana.
- (4) Sang sapisira hugi krama Dèsa Pakraman Dukuh. yan mapakayun pacang mapodgala, talēr mangda wèntēngang pasadok mapihuning ring Prajuru Dèsa, sajaba patut polih palugrahan saking Guru Wiṣèṣa.
- (5) Prakanggèn Dèsa Pakraman Dukuh, mamatut pisan, yan krama dèsanè mapuniya ring sang prajñan, ring sang widagha, ring sang satata ngarajēgang dharmma, pingajēng ring Ida Padaṇḍha pasūryyan nianè swang-swang.

Palèt : 3

Indik Pitra Yajna

Paos : 35

- (1) Pamarggin ngupakāra śawa, hugi manut linging śāstra Agama Hindu. Wèntěn akudang-kudang soroh, sakadi hinucap ring sor puniki :
  - ha. Mapěndēm ring prāthiwi.
  - na. Makingsan ring ghni.
  - ca. Atiwa-tiwa, uthawi palēbon, uthawi ngabèn.
  - ra. Yan rarè durung makupak huntuwus kepus hondel hantaka, wěnannganggè pangěntas bangbang masadhana klungah klapa gadhing, ngaran ngalungah tan wěnanng tiniwākěn. Ika ngaran nglungah.
  - ka. Yan rarè durung kěpus hoděl, antaka pamali ngaran, pěndhiēm juga tan hana pangupakāranya kewale ganten uthawi adem paican Ida Sulinggih.
- (2) Sang sapasira hugi krama Dèsa Pakraman Dukuh, tan kawaśa makta śawa ka dèsa pakraman, yan śawa ika sām̄pun kěni pangupakāra śawa. Yan wèntěn mamurug, yogya katiwakan daṇḍha, mrayaścita marisuddha dèsa.
- (3) Salwiring upacāra atiwa-tiwa, palēbon, ngabèn, ring sètra ugi kawěnannganya, munggwing ngaryanin pangupakara dados nyelang gěnah ring paabiyanan, yan sām̄pun husan gěnah punika kaanggèn, sang nyelang yogya ngawèntěnanng panyangaskara kadi patute.
- (4) Rikāla mamargi mēndhēm sawa, ngaben, palebon, hugi ngamarginin margi majapahit uthawi margi agung.

- (5) Tan kawēnang ngutang eteh-eteḥ sawa lwirè ; papaga, tikeḥ minakadi sanè sawosan ring liwaring sètra, yan wèntèn mamurug këni dandha mrayascita marisuddha gēnah punika.
- (6) Tan wēnang nyekeh sawa, yan tan macaman, mabrēsih, lintangan ring roras dina, ngawit saking dinane sèda, yan wèntèn mamurug, dandha gung artha manut pamutus pararēm dèśa saha mrayascita dèśa.
- (7) Sang sapa sira hugi krama Dèśa Pakraman Dukuh tan wēnang atitiwa rikālaning aci-aci Kahyangan Tiga miwah Kahyangan dèśa saking mitung dinayang aci-aci uthawi sasampun nēgtēggang daging kantos Bhatara masinēb.
- (8) Yan wèntèn krama mēndhēm sawa kālaning dina malarang kawasa, nanghing hugi masawèn, durung magēgumuk, laku kingsan ngaran sasāmpun polih lugraha saking prajuru dèśa.
- (9) Sang sapa sira hugi tan wēnang nginēpang minakadi ngawangdèyang bambang ring sètra Pakraman Dukuh, yan wèntèn mamurug kadandha manut pamutus pararēm dèśa, bambang inucap patut kaurug saha maweweh panyangaskara.
- (10) Yan makingsan ring ghni, sawa ginseng, hasti linayut, manut krama. Yogya ngange tirtha pabersihan. Mungwing dewasa, sa sor ipun dewanè dados marginin mendhen sawa.
- (11) Indik padèwaśan :
  - ha. Padèwaśan mēndhēm ring prāthiwi, makingsan ring ghni, wēnang katiwakang antuk Kliyang Dèśa wiyadin pamangku dalēm manut pasobhaya;
  - na. Padèwaśan atiwā-tiwa, katiwakang antuk Ida sang maangga Sulinggih sanè pacang muput, yogya sāmpun kapatut antuk prajuru dèśa;
  - ca. Indik larangan ngupakāra śawa sajaba ngunggahang ka tumpang salu, sanè kamanggēhang sajroning dèśa Pakraman Dukuh lwirè : Buda Wagè, Buda Kliwon, Śaniścara Kliwon, Anggara Kliwon, Raditè



Umanis. Śukra Pon, Śaniścara Wagè, Raditè Kaliwon, ikā sēmut sadulur. Miwah yan pañca wara sareng sapta wara urip ipun 13 miwah 14, satunggil Kliwon, Sukra Kliwon, Saniscara Umanis, redite Pahing, ika kāla gotongan, yan ring pasha mwah ring tanggal panglong ping 15, tanggal panglong ping 14, mwah tanggal panglong ping pisan, ingkel wong, yan wèntèn sinalih tunggal mamurug, wěnanng dandha gung artha manut pamutus pararēm dèśa saha mrayascita dèśa.

ra. Měndhēm sawa tan kadadosang ritatkāla wèntèn krama dèśa pakraman sanè nanging sawa uthawi ngebet sawa kāla dina punika.

ka. Yan mēndhēm sawa tan kawasa magegumuk antuk beton minakadi sabacakan ipun, yan wèntèn mamurug kēni dandha manut pangargan beras 25 kg saha ngagah gegumuk punika.

da. Rikāla mēndhēm sawa kapatutang nganggèn tirthan sang maangga Sulinggih.

ta. Tan wěnanng ngutang ngirim, tēgēs ipun, sajroning sètra tunggal yan wèntèn ngirim, tan dados sanè sawosan mēndhēm śawa, minakadi atiwā-tiwa, ngabèn, ring dina punika. Yan wèntèn mamurug, yoga dandha, gung artha manut pamutus pararēm dèśa saha mrayascita sètra.

sa. Yan wèntèn mēndhēm sawa uthawi makingsan ring ghni langkungan ring asiki sajroning sètra Dukuh yoga pemarginè kesètra sinarēngan katuntun antuk prajuru Dèśa.

(12) Yan wèntèn śawa tan kaparihangkěn ring wawěngkon Dèśa Pakraman Dukuh, hingaranan bédagan dèśa, yoga prajuru dèśa nguduhang krama dèśa mēndhēm ring sètra pangilang-ilangan uthawi sètra teben Sasāmpun polih lugraha saking sang amawa rāt. Kichen bubuk pirāta saking dèśa.

(13) Yan wèntèn śawa sangkaning salah pati, angulah pati, mati kapangawan, minakadi salwir ipun, Dèśa tan ngalarangin yan śawa punika tiniwākěn pramangkin. Sara lèdang sang madruwè, minakadi Ida sang maangga Sulinggih sanè pacang muput.

- (14) Yan wèntěn jatma istri ngadut manik sèda uthawi lampus wěnanng kapendem uthawi kageseng, nanging garbannya katetehin antuk watu, saha maniknya kagentosin antuk klungah nyuh gading tur kaupacarain kadi patute.
- (15) Yan wèntěn sinalih tunggal śawa, gěnahè sèda wiyadin paděm, sajaba ning karang pomahan, lwirè : ring tęgagal, pura, pasar, bañjar, sěkolah, minakadi gěnah sawosan dudu karang pomahan, yogya sang madruwè wirangè mrayaścita marisuddha gěnah punika. Yan śawa tan kaparihangkěnan, gěnah punika patut kaparisuddha kaprayaścita antuk sang maduwè hěmponan.
- (16) Ring pakarangan uthawi pagěnanan sang sèda uthawi paděm, wěnanng macaru, mabrěsih mandal tigang rahina saking dinane mēndhēm sawa punika.
- (17) Indik panyanggra ritatkālaning ngalakšanayang upacara pitra yadnya pamargin ipun kaungguhang sajroning paswara, pasobaya bañjar, dadya nganutin dr̥ṣṭa swang-swang.

Paos : 36

Indik Angatma Wědana

- (1) Sang sapisira hugi krama Dèśa Pakraman Dukuh, yan kālaning angatma wědhana, lwirè : ngaroras, patilěman, baligya, tan wěnanng ngawangunang pètak, payajñan, ring palěmahan Pura Kahyangan Dèśa, minakadi kahyangan sawosan.
- (2) Sang sapisira hugi husan ngeroras pacang nyegara gunung, pacang nyegara gunung, yan pacang muspayang sekah ring kahyangan dèśa kalugra sasāmpun lintang ring tigang rahina saking dewasa pangrorase
- (3) Sang sapisira hugi wus ngawangun karyya angatma wědhana lwirè ; ngeroras, patilěman, yogya karang yajña ika kapraliṇa, sakasèp ipun

pětang daśa kalih dina saking dina kāryyanè.

**Palèt : 4**

**Indik Manuṣa Yajna**

**Paos : 37**

- (1) Sang sapisira hugi krama Dèśa Pakraman Dukuh, ngawangunang salwiring upacāra mānuṣa yajña, tan wěnanng magěnah ring wawidangan palēmahan pura kahyangan pañiwiyan dèśa,. Yan wěntěn sinalih tunggal mamurug, wěnanng mirayaścita marisuddha pura punika,
- (2) Sanè kalugra mawintěn magěnah ring pura sinalih tunggal, sang sapisira hugi sanè pacang kahaděgang dados pamangku, ring pura kahyangan hinucap. Talěr sanè kahaděgang pinaka prajuru dèśa, wěnanng mawintěn, majaya-jaya ring pura Dèśa uthawi Pura Balè Agung Dukuh.
- (3) Indik manusa yadnya sanè dados kamargiyang sajroning dèśa Pakraman Dukuh hugi sanè nganutin dṛṣṭa kuna minakadi sastra agama.

**Palèt : 5**

**Indik Bhuta Yajna**

**Paos : 38**

- (1) Sajroning Dèśa Pakraman Dukuh, pacaruwan manut hunggwan, sor singgih, lwirè :
  - ha. Pacarun Dèśa sadākāla :
    1. Mañca-śatha , ngamaṣa-maṣa, kāla prawani tilēm sasih kasanga, magěnah ring palēmahan balè agung kakhēmpon antuk krama dèśa.

2. Macakcakan ngemasa-masa kāla tilēm kawolu, magēnah ring pamangkālan agung uthawi pamekang agung.
  3. Ekosatha kawewehin baying-bayang godèl muani, kambing selem, asu bang bungkem, bèbèk blang kalung, ngamasa-masa ring manut pemangkālan uthawi pamengkang agung.
  4. Ekasatha ngemasa-masa ring pemangkang alit rikāla tilēm kasanga.
  5. Ekasatha maweweh baying-bayang godèl muani sasor ipun ngemasa rikālaning tilēm kasanga ring dèsa, magēnah ring pemangkang agung, kālanturang ring sowang-sowang pakarangan ngalakṣanayang pangrupukan, ngararis brāta panyepian lwirè ;
    - ha. Amati geni : tan kènghin inaapi-api
    - na. Amati kāryya : Tan kènghin makāryya
    - ca. Amati lalangunan : tan kènghin maoneng-oneng, masura gora lam sapanunggilan ipun
    - ra. Amati lalungayan : tan kènghin malalunganyan
  6. Sang mamurug kecaping ring ajěng kēni pamidandha manut panglokikan prajuru bañjar.
  7. Riwus rahina ñēpi, makacihna pangawit Isaka Warsa, swang-swang krama sasidha-siddhanyan sami saling ngakṣamayang raga kabawos Dharma Santhi.
    - na. Pacaruan Dèsa padgatakāla: ri kāla jagatè kabrēbēhan, kagringan, kadurmanggalan, katibèn pañca-bhaya, miwah sanè sawosan patut carorin.
      - ca. Agung alit caru, manut hunggwan acaru, babwatan pacarwan, kalih niṣṭa madhya uttamaning caru.
- (2) Pacaruwan ring Pura-Pura Kahyangan, Pamrajan, uthawi Sanggah Dadya,

salwirè, manut dṛṣṭan pura swang-swang, minakadi awig-awig gagaduhan pura hinucap.

- (3) Yan wèntěn sinalih tunggal pura kahyangan salwirè, reneng pacarune kantos tigang plabuh, wěnanḡ prajuru dèśa mamawosin, yan wus puput babawose, yogya maguru piduka, ngawit masasapuh, mangda kasiddhan ngaturan pangaci-aci;

### SAT SARGGAH SUKRĚTA TATA PAWONGAN

Palèt : 1

Indik Rangkat

Paos : 39

- (1) Indik rangkat punika, mānut Dèśa Kāla Patra, sanè kapatutang tur katinūtin antuk krama dèśa swang-swang, tan singsal ring uger-uger panagara lwirè :
- ha. Papadikan.
  - na. Marangkat uthawi ngarorod.
  - ca. Nerimen uthawi pegae tua.
  - ra. Ngunggahin
  - ka. Nuduk mantu
- (2) Mungwing tata cara rangkat minakadi pawiwahan kaungguhang sajroning pararerm dèśa
- (3) Sajroning Dèśa Pakraman Dèśa, indik rangkat ika, yening sāmpun mawidhi widhana pawiwahan, sanistanya mabiyakawon tur malukat, kasaksinin antuk prajuru dèśa, rangkat punika kasinanggeh puput palikrama.
- (4) Yan wèntěn anak istri krama dèśa Pakraman Dukuh karangkatang antuk sang sapa sira hugi, luwih antuk anak saking dura dèśa, yan kantos arahine

ring awengi saking dina matinggale saking jumlah tan wèntèn pajati, yogya sang madruwè wirange nunas kanti ring prajuru dèsa mangda ngamargiyang saserepan. Yan sāmipun sinah gènahnya, ngraris kamargiyang panegdeg, tan kawasa makta sahaning senjata saha nunas kanti ring sang amawarāt.

- (5) Sang sapisira hugi krama dèsa Pakraman Dukuh, yan karawuhan tamyu praya masinutan malarapan antuk ngarorod, hugi mangda masadok mihuningang ring prajuru dèsa. Prajuru dèsa yogya maritētēs. Yan sangkaning tan patut pamarggin rangkatnya, prajuru dèsa ngunduhang mangda katyr ring sang amawarāt. Yan wèntèn mamurug, yogya sang mamurug dandha gung artha manut pangargan beras 25 kg.
- (6) Yan wèntèn sinalih tunggal Krama Dèsa Pakraman Dukuh, ngamèt anak istri antuk mlĕgandang, mamĕndĕt, marikoṣa, miwah salwir ipun, sanè tan nganutin tata krama, tan yogya pinuput widhi widhana pawiwahanya sadurung wèntèn pamutus saking guru Wiśēsa.
- (7) Yan wèntèn sinalih tunggal saking dūra dèsa, pacang muput rangkat ka wawĕngkon Dèsa Pakraman Dukuh, sang madruwè wirang luh yogya nunas pasakṣi ring prajuru dèsa Dukuh masarana antuk canang pangrawos, sinalih tunggal mangda wèntèn ngarawuhin.
- (8) Sang sapisira hugi pacang muput uthawi maserah yan saking dèsa Pakraman Dukuh, patut nebas saran kulkul manut pangargan beras 10<sup>1/2</sup>g, Yan saking dura dèsa kĕni panebas swaran kulkul manut pangargan beras 20 kg. panebas swaran kulkul punika ngaranjing ka bañjar minakadi ka dèsa / pakraman.
- (9) Yan wèntèn sinalih tunggal krama dèsa Pakraman Dukuh, ngamet anak isrti pinaka rabī tan manut si:na dṛṣṭa minakadi satra agama, yogya katur ring sang amawarāt mangda kabawosin saha polih pamutus.

- (1) Pradè yan wèntěn anak lanang mobotin anak istri sanè sami-sami durung maduwe rabi, tur sabda kapariangken, prajuru patut ngutsahayang sangkalih majangkěpan, tur kaupacarayang sakadi patut olih sang lanang;
- (2) Pradè sinalih tunggal tan tinut karangkatang kadandha gung artha manut pamutus pararēm dèsa, saha wicaranya katur ring sang amawarāt;
- (3) Yan sinalih tunggal sām̄pun madruwè rabi wicaranya katur ring sang amawarāt olih wirangnya, pradè mamurug kadandha gung artha manut pamutus pararēm dèsa;
- (4) Yan wèntěn anak isrti bobot nenten wèntěn ngangkěnin patut :
  - ha. Sang kadalih mobotin tan pariangken, miwah sang bobot madewe saksi ring pempatan agung, kasaksinin antuk prajuru dèsa, sasām̄pun madewa saksi patut ngamargiang pamrayascita ring wewidangan dèsa Pakraman Dukuh, mungging prabeya sami keangganin antuk sang kalih.
  - na. Pradè wèntěn anak siosan ring sang kadalih mariangken mobotin, wěnan sang mariangken punika sareng madewa saksi tur, sasām̄pune puput padewa saksine sang bobot, sang kadalih miwah sang mariangken sareng mobotin mrayascita dèsa, sasām̄pun punika bobotan anake istri kaupacarayang masrana antuk keris.
  - ca. Pradè sang patut madewa saksi tan satinut ngamargiang padewa saksian, sang bobot uthawi wirangnya patut ngaturang wicara punika ring sang amawarāt, saha sang patut madewa saksi tan satinut ngamargiyang dewa saksi kadandha manut pamutus pararēm dèsa.

**Palèt : 2**

**Indik Bėlas Makurėnan Uthawi Napiyan**

**Paos : 41**

- (1) Sanè kabawos ñapiyan, punika sang palas marabi, palas makurėnan, sanè sām̄pun katiwakin pamutus antuk Guru Wisėsa, minakadi sām̄pun

kakrabang ring sangkĕpan dĕsa Pakraman Dukuh, yan wĕntĕn mamurug paayah-ayah ring dĕsa patut kaayah cumĕk.

- (2) Yan wĕntĕn sinalih tunggal krama dĕsa ngrangkatang sapiyan sadurung tigang sasih uthawi 105 dina, saking dina palasĕ, yogya sang ngrangkatang sapiyan punika kĕri danḁha pakĕrang gung artha manut pangargan beras 10 kg.
- (3) Krama dĕsa sanĕ belas marabi uthawi makurenan, sasāmpun polih pamutus saking guru wisĕsa patut masadok mihungan ring klian bañjar minakadi prajuru dĕsa, mangda kadamyakang ring bañjar ring dĕsa, sakasep ipun asasih saking palase.
- (4) Yan wĕntĕn anak istri wit saking wawengkon dĕsa Pakraman Dukuh, nyapiyan ring dura dĕsa, mawali ka dĕsanya, yogya sang madruwĕ wiring matur supekṣa ring prajuru dĕsa, saha mrayascita marisuddha anake luh punika,. Yan tan kaparisuddha antuk wirangnya, patut marisuddha raga, mangda kasinanggal nirmala.

**Palĕt : 3**

**Indik Balu**

**Paos : 42**

- (1) Sanĕ bakawos balu, anak istri katinggal sĕda antuk rabinĕ. Yan anak lanang sĕda rabinĕ, wiyadin katinggalin nĕpiyan, talĕr kawastanin balu.
- (2) Yan wĕntĕn sinalih tunggal krama lanang wiyadin istri balu, kĕni paayah-ayah miwah salwiring wawijilan ring dĕsa asigar.
- (3) Krama balu lanang sanĕ madruwĕ oka istri, balu istri sanĕ madruwĕ oka lanang sāmpun hantĕs maayahan manut panglokika Prajuru Dĕsa, patut maayahan bulangkĕp, matata turun cumĕk, bulangkĕp antuk pianak.
- (4) Yan wĕntĕn sinalih tunggal anak istri balu kandugi marangkat, yogya rangkat punika kapuputang antuk wiring lakine rihin, yan babalon punika



kari pageh.

- (5) Mungging wawēnangan babalon luh uthawi rangda, ring indik wawarisan, minakadi sanè sawos-sawosan nganutin hugĕr-hugĕr sanè karajegang antuk Guru Wisĕša.

**Palĕt : 4**

**Indik Santana**

**Paos : 43**

- (1) Sajroning Dĕša Pakraman Dukuh, ngarajĕgang pidabdab santana ka puruša siddhikara tunggal, papĕrasan, tunggal dadya;
- (2) Sang sapisira hugi sinalih tunggal krama Dĕša Pakraman Dukuh, mĕras santana, nuduk mantu, makĕdihang uthawi nĕrahang raga, yogya sangkaning radin, tunggal dadia, tunggal siddhikara, saha polih palugrahan saking Guru Wisĕša kesiarang ring dĕša..
- (3) Indik mĕras santana, nuduk mantu, nĕkṣĕrahang raga, sasāmpun sangkaning radin, yogya kadulurin antuk upacara manut sastra Agama Hindu, sakabwatan swang, sinaksenan dening prajuru dĕša Pakraman Dukuh tur kasiarang ring dĕša, saha kapikukuhin antuk lĕkita sang amawarāt.

**Palĕt : 5**

**Indik Wawarisan**

**Paos : 44**

- (1) Lwirè sanè wĕnang kawarisin :

- ha. Hamong-amongan ring dèsa, ayah-ayahan sahurah-arih.
  - na. Hutang, pihutang sang kawarisin.
  - ca. Sarāja druwè, braṇa, tēgal, carik, tatamiyan, sakañcan kasugihan.
- (2) Sanè wēnang ngawarisin :
- ha. Manūt lalintih paprēṇahan adoh tampĕk saking puruṣa tunggal siddhikara, tunggal dadya.
  - na. Putra dadaman wiyadin putra papĕrasan.
  - ca. Mantu dadudukan, minakadi Santana saking nuduk mantu.
  - ra. Sangkaning polih pitēmĕs saking sang kawarisin sang madruwè salwir sanè dados kawarisan, saking palugrahan guru wiśĕsa, pinih akĕh apahtigayan saking padruwèannyane maka pioliĕ-oliĕ pagunakayan.
- (3) Sang sapaṣira hugi Krama Dèsa Pakraman Dukuh, yan tilar saking Agama Hindu, tan yogya ngawaris sanè kamulan patut kawarisin.
- (4) Ngĕdum wawarisan kepatut sasāmpun puput maabĕnang sang ngawarisang braṇa kalih kasugihan punika. Sané dados dum, sajaba manggé padagingan pangaci-aci, minakadi salwiring sané manggé piranti ngalakṣanayang upacara agama, pustaka-pustaka sanè kapingitang salwir ipun.

**SAPTAMAS SARGGAH  
WICARA LAN PAMJDAṆDHA**

**Palĕt : 1**

**Indik Wicara**

**Paos : 45**

- (1) Salwiring wicāra indik pakraman, ring wawidangan Dèsa Pakraman Dukuh

wĕnang rinawosan antuk prajuru dĕsa, Yan tan kasiddhan puput, prajuru dĕsa ngaturang ring Guru Wiśĕṣa, buwat matatimbang;

- (2) Yan wĕntĕn wicara indik pakraman ring bañjar, pamakṣan, subak, minakadi sĕkaa-sĕkaa sawosan, yogya kabawosan antuk prajuru sowang. Yan tan kasiddhan puput, wĕnang katĕngahang ka Dĕsa, prajuru dĕsa yogya mamawosin;
- (3) Yan pamutus wicara sanĕ katiwakang antuk prajuru dĕsa Dukuh tan katinutin uthawi tan kahiring antuk sang mawicāra, wĕnang sang mawicāra nunasang pangrawos ring sang patut mamawosin, ring Guru Wiśĕṣa.
- (4) Yan sang mawicāra talĕr tan tinut ring pamutus wicara sanĕ katiwakang hinucap ring hajĕng, prasiddha sang mawicara tan polih panyanggran bañjar, dĕsa minakadi tan dados nganggĕn sapadruwĕyan dĕsa, kantos puput wicaranya, dosanĕ mamandel ring dĕsa.

**Palĕt : 2**

**Indik Pamidaṅdha**

**Paos : 46**

- (1) Lwiring pamidaṅdha sanĕ wĕnang katiwakang antuk Prajuru dĕsa, Bañjar Pakraman, Subak, sĕkaa-sĕkaa sawawĕngkon Dĕsa Pakraman Dukuh, sakadi ring sor puniki :
  - ha. Daṅdha artha;
  - na. Upasakṣi, dĕwa sakṣi, pangrarāta, sumpah;
  - ca. Daṅdha panyangaskara, lwirĕ; nirayaścita, marisuddha, miwah salwiripun;

- ra. Kasepekang saha kaheladang;
  - ka. Pamidaᅇdha sawosan manūt palugrahan Guru Wišèša.
- (2) Patiwak pamidaᅇdha, manut unggwan wicaranè sowang-sowang, minakadi werāt ringan wicara hinucap, lwirè :
- ha. Yan wicara dèša pakraman, yogya kapidaᅇdha antuk Dèša. Munggingwung dadaᅇdhan mantuk ka Dèša.
  - na. Yan wicara ring Baᅇjar Pakraman, yogya kapidaᅇdha ring baᅇjar ika, dadaᅇdhan mantuk ka Baᅇjar.
  - ca. Yan wicara ring subak, miwah sèkaa-sèkaa, katiwakin pamidandha ring subak minakadi ring sèkaa sowang0sowang, munggingwung dadandhan mantuk ka jroning subak miwah sèkaa swang-swang.
- (3) Agung alit dadaᅇdhan, manut panglokikan agung alit werāt ringan kasisipanè, sanè munggingwung ring awig-awig gagaduhanya sowang, minakadi paswara pinaka pamutus sangkèpan wyadin paruman..

## **ASTAMAS SARGGAH**

### **Nguwah-Nguwahin Awig-Awig**

**Paos : 47**

- (1) Sanè wèᅇnang uwahin, inggih punika, pasukrètan, paswara, pamutus pararèman wiyadin pamutus pasamuhan miwah sanè sawosan sapanunggilan ipun.
- (2) Sanè wèᅇnang uwuhin, inggih punika, pasukrètan, paswara, wiyadin pamutus paruman miwah sanè sawosan sapanunggilan ipun.
- (3) Indik nguwahin kalih nguwahin pasukrètan, paswara, pamutus pararèman wiyadin pamutus pasamuhan miwah sanè sawosan, manut tata kramaning

paruman sasampun nunas tatimbang ring Gura Wisèsa kalih polih palugrahan sang amabhumi.

## NAWAMA SARGGAH

Pamuput

Paos : 48

- (1) Awig-awig puniki mawaṣṭa “ AWIG-AWIG DÈŚA PAKRAMAN DUKUH
- (2) Awig-awig puniki pinaka bantang sahananing Awig-awig, paswaran, pasukrètan, miwah salwir ipun, sanè manggè ring Bañjar Pakraman, Pamakṣan Pura, Sèkaa-sèkaa, sanè wèntèn sajroning Dèsa Pakraman Dukuh.
- (3) Bañjar, Kahyangan, Pemakṣan, Sèkaa-sèkaa sanè wèntèn sajroning Dèsa Pakraman Dukuh dados ngawangunang awig-awig, pasukrètan, paswara, gagaduhan, swang-swang, nānging daging ipun tan dados singsal tungkas ring Awig-awig Dèsa Pakraman Dukuh.
- (4) Salwiring sanè durung munggah ring Awig-awig puniki, kaungguhang sajroning paswara, pamutus paruman dèsa Pakraman Dukuh.
- (5) Drèṣṭa kuna sanè kari dados anggè, yan tan tungkas ring daging Awig-awig Dèsa Pakraman Dukuh, manut kojaring śāstra Agama Hindu, hanūt ring ugèr-ugèr nagara, saha kaputusan sajroning paruman Dèsa Pakraman Dukuh.
- (6) Awig - awig Dèsa Pakraman Dukuh, pawangun Krama Dèsa Pakraman Dukuh kapaṣṭika manūt Upacāra Agama Hindu, kāla dina ;  
.....,sasih.....,                      Tangga!                      uthawi panglong....., rah....., tenggek....., Isaka....., magènah ring pura Balè Agung Dukuh, kapuput antuk Ida sang mangga Sulinggih....., saking Geria.....
- (7) Awig-awig puniki kalinggatanin antuk prajuru dèsa, Iwirè : Kèliang

Désa, Pamadén Kélyang Désa, Panyarikan, sèdahan uthawi Juru Raksa, saha kasarèngin antuk Petangan Désa, kliang-kliang bañjar, kasaksinin antuk kliang-kliang Bañjar Dinas, Prabekel Désa Dukuh, Camat Kubu, kakukuhang antuk Bupati Karangasëm.

(8) Awig-awig puniki kälakṣanayang ngawit dina :  
..... kantos salantur ipun.

(9) Lwir sang ngalinggatanganin :  
Prajuru Désa

  
Kélyang Désa  
(I Nengah Pasek)  
  
Panyarikan Désa  
  
(I Nengah Royo)

Pamaden Kélyang Désa  
  
(I Ketut Giri)  
  
Juru Raksa  
  
(I Gede Merta)

Petangan Désa  
Kélyang Bañjar Pakraman Dukuh

  
  
(I Gede Merta)

Petangan Désa  
Kélyang Bañjar Pakraman Candigeha

  
  
(I Ketut Giri, M.Pd. H)

Petangan Désa  
Kélyang Bañjar Pakraman Buana Kusuma


  
  
(Nyoman Mungget Ardiasa)

Petangan Désa  
Kélyang Bañjar Pakraman Batu Giling

  
  
(I Komang Sanyu)

Awig-awig Desa Pakraman Dukuh.



Petangan Dësä  
Kélyang Bañjar Pakraman Bahel



Petangan Dësä  
Kélyang Bañjar Pakraman Pandan Sari



Maka Saksi :



Kalëkitayang ring Kantor Bupati Karangasem,  
duk rahina Anggara...Paing. Tanggal Maséhi 24...Januari...2012  
Reg. Nomor : 02.....

